

DE
NUPTIIS PROPIN-
QUORUM
IURE DIVINO NON PROHIBITIS.

AD
ILLUSTRISSIMUM ATQUE EXCELLENTISSIMUM
HEROEM.

IO. GEORG. DE HOLSTEN,

EQUITEM AURATUM, AUGUSTISSIMI DANOR. NOR-
VAGORUMQUE MONARCHAE AB ARCANIS CON-
SILIIS, ET PRAESIDEM PRAEFECTURAE TUN-
DERENSIS SUMMUM,

DIAGRAMMA.
ANDREAE HOIERI CIMBRI.

1719.

THE
LIBRARY
OF THE
MUSEUM OF
ART AND HISTORY
OF THE CITY OF
NEW YORK


NEW YORK, N. Y. 10027

THE
LIBRARY
OF THE
MUSEUM OF
ART AND HISTORY
OF THE CITY OF
NEW YORK

NEW YORK, N. Y. 10027

NEW YORK, N. Y. 10027

NEW YORK, N. Y. 10027



*ILLUSTRISIME ATQUE
EXCELLENTISSIME DOMINE*

Patrone longe indulgentissime!

Audet se in TUAM, VIR EXCELLENTIS-
SIME, fidem atque clientelam conferre
hoc, quicquid est, opusculi, TUUMque Illu-
strissimum sibi praescribere nomen, quod in-
finitis & publice & privatim rationibus vnum
praecipuum de decus & praesidium tum opel-
la haec, tum ipsius auctor debet venerari. Illa
enim ad quem confidentius se conferat, habet
neminem, quam TE, qui publicis pro salute pa-
triae & ecclesiae incolumitate curis, arduisque
A 2 ab

ab AVGUSTISSIMO nostro MONARCHA
Tuae fidei atque prudentiae demandatis nego-
tiis ita vacas, vt Musarum non plane nullam ha-
beas rationem, sed diuiniore illas (TUO inge-
nio cognatas) humanasque litteras impen-
ses, foveas, atque tuearis, absque quibus
quicquid ecclesia nostra purioris lucis, quicquid
civilis vita commodi atque humanitatis, quic-
quid Publica res ordinis, roboris, prudentiae
atque gloriae habet, omnino foret nullum, sed
foedissimo prisco illius barbariei feritatisque
squallore iaceret demersum atque sepultum.
Haec studia, quod minus ad speciem atque ele-
gantiam, quam vtilitatem, virtutem & priva-
tam publicamque quietem faciant, ab aularum
pompa bellorumque strepitu alienissima cum
vbiuis fere exulent, TU, Musagetarum nostri
seculi optime, maxime, & facillime admittis
in TUAM clientelam, & pro ea, qua bono pu-
blico polles, auctoritate, afflicta iustines, tor-
pentia excitas & promoves, oppressa protegis,
ornasque neglecta. Itaque cum quicquid ad
litteras pertinet, & affectu & patrocinio dudum
TUUM feceris, suo sibi officio defungi videtur
ista scriptio, cum TIBI, MECAENAS suspicien-
de, sponte sua se addicit & consecrat, qui pri-
dem eosdem clientes habes, quos patrius orbis
litteratos. Quibus cum TUUS me favor meri-
tis

tis longe quidem imparem, venerabundo autem
in TE affectu & obsequio nemini secundum ad-
iunxerit, & ipsius, de qua hic agitur, rei digni-
tas Excellentissimo TUO ingenio tanti sit, vt de
ea & ipse cogitare, & aliorum opiniones cogno-
scere, & quid verissimum iudices, pro summa
TUA perspicacia definire non fueris dedignatus,
ausus sum, istam dissertationem illustrissimo
TUO iudicio demisso animo subiicere, maxime,
vt publico aliquo documento testatum faciam,
infinita esse TUA in me beneficia, & maiora,
quam vt quantumuis gratae atque venerandae
mentis angustia illa vel capere possit, vel ex iu-
sto aestimare, quibus si fauere perges, & addes
clementi huic patrocinio perpetuitatem, efficies,
vt tantum TIBI debiturus sim, quantum huma-
na fors potest debere, hoc est, metotum. TE
vero, Illustrissime HEROS, seruet benignissimum
Nūmen Ecclesiae, patriae, litterarum, clientum,
meo bono, TUA Equae perennaturae gloriae
quam diutissime.

Conspectus libelli.

- Cap. 1. Gradus Prohibiti Jure naturæ
nulli sunt.
2. Nullum datur Jus diuinum po-
sitivum vniversale.
3. Institutio Coniugii Genes. i.
vtrum Legis instar sit?
4. Legem Levit. XVIII. non esse
vniversalem,
5. Rationes Legis XVIII. cap. Le-
viti exponit.
6. Consensus doctorum, Theo-
logorum, & Jure consulto-
rum.
7. Finis vsusque dictorum.



B. C. D.

Cap. I.

An gradus prohibiti ex Jure Naturæ pateant?

I.

Matrimonia inire, quin omni jure licitum atque honestum sit, nemo inquam dubitare potest, qui sanæ mentis vsum non abiicit. Verum de ratione contrahendorum connubiorum, illorumque conditione, & finibus, quos in illis aut constituendis aut gerendis excedere non liceat, varia semper atque multiplex fuit disceptatio. Maxime autem illa celebrata est quaestio, liceatne cuilibet cum qualibet maritalem ingredi societatem, an vero sint certae *rationes* aut *propinquitatis* aut *affinitatis*, quas coeunte inter eiusmodi necessarios coniugio; violari nefas sit? *Gradus prohibiti.*

2. Et Civili sane jure, inter omnes omnino gentes, quae constitutis rite legibus, non vero solis moribus reguntur, personas aliquas & propinquitates interdictas esse, easque, quae cum talibus fiunt, nuptias pro incestis & nefariis haberi, extra controversiam est. Neque in eo iam occupabitur hic labor, vt, quibus ex cuiusvis populi institutis sit abstinendum declaret; longe minus etiam, vt explicet, qua ratione quaevis eius *Prohi.*

Legē divina

eius generis civilis constitutio subnitatur; sed vni-
in id iam incumbet qualiscunque haec meditatio, vt
penitius perspiciatur, *utrum divina aliqua lege, quae
ab humano arbitrio non pendeat, certi gradus propin-*
quitatum & affinitatum, ne in consortium coniugale
coalescant, definiti sint?

Naturae.

3. Cum vero *Divinam legem* vulgo, nec male du-
plicem esse statuunt vnam *natam*, quae a summo Crea-
tore, omnium animis ita est indita, & a primo humanae
gentis ortu impressa, vt ratione interprete, ex illa, quid
iustum & conveniens sit officio naturae, quid minus,
possit cognosci; alteram vero, ab ipso Numine postea
humano generi expositam & *praescriptam*, & divino
deinde beneficio in perpetuam rei ad posterōs memo-
riam S. litteris consignatam; quarum illam plerumque
Ius naturae, hanc vero *Legem divinam positivam* vo-
cimus; placet seposita interim de *positiva lege* dispu-
tatione primo loco disquirere, *utrum naturali iure* de
prohibitis inter consanguineos nuptiis aliquid cautum
sit.

Qui affir-
ment.

4. Vbi statim non desunt, qui audacter affirmant,
non exigui nominis viri, ex veteribus Plutarchus (a)
ex prima ecclesia Doctores plerique, ex recentioribus
etiam Theologi & Philosophi non incelebres; & posset
sane cuilibet eiusmodi subnasci opinio, cum Romanos
constet, plebiscito (b) omnibus propinquitatibus, quae
intra Consobrinos & amitinos sint, talem conjunctionē
interdixisse, quos tamen divinae legis ignarissimos sua
ex nuda ratione hausisse sit in propatulo. Verum vnde-
cunq; isti hanc legem hauserint id saltem patet, eam vni-
ce ad quietem publicam & privatam respexisse, & ratio-
nes subfuisse familiares atque civiles ob quas & ante-
quam

(a) Quaest. Rom. qu. 107. (b) Plutarch Quaest. Rom. qu. 6.

quam ferretur, & post illam quoque antiquatam contrarii fuerunt mores Romanorum. Neque enim aut olim, aut nostro seculo fuit repertus, qui ex naturae humanae contemplatione causam eiusmodi legis, luculenter potuerit demonstrare.

5. Veteres enim si audias, disputantes, cur Cognati nouo nuptiarum vinculo non queant coniungi, nihil afferent, nisi esse magis e re communi, vt latius novis semper affinitatibus spargantur amicitiae, quam vt quaevis familia petitis ex se connubiis intra se (a) contineatur. Quod equidem fateor, facere ad explicandam vtilitatem eiusmodi civilis decreti, nequaquam autem ostendere, officii esse naturalis ab eiusmodi abstinere matrimoniis. Neque enim, quae ad commoda publica opportunissima non sunt, statim illicita erunt, nec consilia aut praecepta civilis prudentiae cum necessitate legis innatae confundi debent. Nemo enim facile dixerit, peccare in naturalem legem *Magistratus*, qui capitali supplicio fures afficiunt, etsi forte è re publica magis sit, illos operibus publicis applicatos & communi vtilitati, & eo praesentiori ad alios exemplo servari.

*Ratio Vera
Falsa.*

6. Recentiores, varias alias producant rationes, quibus ex ipsa natura constare putant, non licere coniungi proximis aut sanguine aut affinitate. Praecipuus hic sit, vir celeberrimus Gottl. Gerhard. Titius (b) qui naturae nuptias tales repugnare putat, (1) quod inter eiusmodi nupturos iam sit quaedam *vnitas*, adeoque velut secum ipsi cohabitent, quod dictu nefandum

*Rationes re-
centiorum.*

B

dum

- (a) Plutarch. Quaest. Rom. qu. 107. & Augustin. de Civit. Dei L. XV. c. 16. (b) In Observationibus ad Pufend. de Off. hom. & civis obs. 496. n. 23. Nec non in Diss. de Polygamia incestu ac divortio Jure naturae prohibitis cap. 2.

dum. (2) quod a natura sociali abhorreat, *ut cognatio* vix incepta, in sua redeat initia, cum potius illa *latius* sit *spargenda*. (3) admissa porro inter necessarios licentia in coniugia se copulandi *ansa stupris* ac adulteriis *praebeatur*, (4) denique *nullus legitimus* finis sit, cur eiusmodi matrimonia expetantur.

Examinan-
tur.

7. Verum speciosius ista, quam solidius esse prolata quis non videt? nam ut singula sigillatim recognoscamus (1) quatenus est ista; quam vrget, vnitas propinquorum moralis? nulla certe, aut saltem metaphorica. Neque vna sunt, quae ex eodem prognaſcuntur ſtemmate, nec (ſi admittas ſimilitudinem, in accuratione iuris non admittendam) definiri poteſt, quando definant eſſe vna, quae eiusdem ſunt ſtirpis. Omnis enim hominum gens, cum ex vno fluxerit, iſta ratione ob fictam hanc vnitatem non poterit ſibi invicem ad ſobolem procreandam ſe iungere, & fuit, ſi Titium audias, omnino exinceſtu orta, cum nec Adamus cum Eva tanquam ſua ipſius carne, nec liberi ipſius cum ſororibus, rite & legitime ſe copulare potuerint. Adde iam, abſone ſatis inde, quod ſecum nemo poſſit cohabitare, concludi, nec licite coniungi quemquam cum proximis ſuis. Quod cur ſequatur, non video, potius coniecero: qui coniuncti iam ſunt genere, & vniti amore familiari, inter hos felicius coaleſcere amores coniugales, duplici vinculo firmiores futuros. Sed reapse hic aſſertur, quod erat in controverſia, proximos coniungi non poſſe quod uni ſint; id eſt proximi. Quod in alio auctore, quis non rideat? in Titio vero demiratur. (2) Cuſtodiendae civili vitae nequaquam adverſae ſunt nuptiae propinquorum, quamvis forte, ut iam ſupra monui, iſcopus paullo felicius attingatur connubiis inter familias ſibi nil affines. Neque tamen tanti id fuerit, quan-

quanti prima specie videatur. Non enim quaeritur, utrum societas satis custodiri queat, si vniverſi proximas ſuas ducerent, ſed vnice, num matrimonium quodlibet ſingulare cum propinqua contractum, vitae ſociali repugnet? Quod vix quisquam aſſeruerit, niſi qui ſimulaudeat definire, peccare in naturam, quicumque vxorem non ducat, quod humana ſocietas mox interitura ſit, ſi omnes a nuptiis abſtinerent. (3) Nec iniuſtum protinus & illicitum eſt, quod in abuſum poteſt verti. Quod vel bellorum, artis palaetricae & ſexcentis aliis exemplis poteſt doceri, quae a cordato vix damnentur, quamvis illorum noxa praefentior fere ſit, quam ipſe vſus. Nec licebit hac ratione ſervos ancillasq; in eadē alere familia cum familiarior illorum converſatio & facultas ſe in matrimonio coniungendi hic facile variis libidinibus anſam praebere poſſit, imo praebeat. Nemo tamen affirmaverit, naturali lege peccare, qui mixtam ex utroq; ſexu alat familiam. (4) Legimus autem finis, cur, nuptiis inter cognatos, plane negetur, non perſpicio. Quae enim paſſim pro non laxandis matrimonii ineundi cauſis habentur, proliſ honeſtae cupiditas, evitatio vagae libidinis, adiutorium mutuum pro neceſſitate & valetudinis & fortunarum, item quae honeſtiſſimae in ſeligendis ſponſis habentur rationes, perſpecta virtus, ingenium commodum, morum ſvavitas, diſciplina domeſtica, denique forma, fortunae, genus, amici eiusmodi, vt ad ſvave & itabile vitae conſortium requiruntur; iſta inquam omnia poſſe in ambiendis proximae cognatae nuptiis eo magis habere locum, quo minus cognatorum mores conditionesque obſcurae ſunt & incognitae, quilibet facile animadverteret. In illuſtribus autem familiis, tot omni tempore occurrere poſſunt rationes, cur cognati Con-

iuges extraneis sint præoptandi, tam ob ambientis ipsius, quam suditorum felicitatem conservandaque familiae iura, vt hic multa addere plane supervacuum sit.

*Brevius re-
spondet.*

8. Rectius itaque, & vt res est, iudicat vir in naturali Iurisperitia summus *Hugo Grotius*; (a) *Causas, certas & naturales*, cur talia coniugia, ita, vt legibus, & moribus vetantur, illicita sint; assignare qui vult, luerit experiendo discet, quam id sit difficile, imo, præstari non possit. In quo quam vere sentiat vir, acutissimus, vt eo planius ob oculos ponam, lubet per singula cognationum genera ire, & quid ex naturæ ductu in illis licitum vetitumve sit perpendere.

Quod ostendit.

9. Cum itaque omnes illi cognati, quibus lege matrimoniali apud nos abstinere iubemur, communiter dispescantur in *Lineam Rectam*, quae Maiorum posterorumque habet rationem, & *Collateralem*, qua fratres sorores, & cognatos reliquos omnes continet, ex quibus non sis exortus, sed ad eandem cum illis pertineas originem; de collateralibus primus sit sermo. Horum itaque Connubia naturali lege non esse vetita, plerique omnes fatentur. Et sunt in omni historia profana & sacra frequentissima huius coniunctionis exempla & instituta. Nam vt de Graecis (b) & Aegyptiis Romanisque (c) moratissimis certe illo aeo gentibus nil memorem, quibus sorores in matrimonio habere sollemne fuit, sanctissimi Patriarchae, quorum

nc-

(a) De Iure belli & pacis L. II. c. 5. §. 12. (b) Corn. Nepos præfat. §. 4. & Vit. Cimón. c. 1. de Thessalis vid. Livium lib. 40. Adde infra dicenda de Aegyptiis. De Romanis præcis Papi-
nianus Ictus L. 4. D. de Gradibus & affinitate §. 7. docet: so-
lum prohiberi nuptias eorum, qui loco parentum essent.
Exemplum Tarquinii superbi vid. in Livii L. I Dion. Halicarn.
lib. IV. c. 35.

nobis exempla divinis litteris sedulo commendantur, eiusmodi coniugia inivere, non modo in divinis oraculis non reprehensa, sed promissione etiam caelestis gratiae, & ex his ipsis complexibus olim exoriundi Messiae luculenter appobata sunt eiusmodi Connubia *filiorum Adae*, quos germanas sorores maritasse oportet; *Abraham*, cui vterina soror (a) vxor fuit; *Iacobi*, qui binaseodem thoro sibi copulavit, sorores; (b) *Amitami*, qui Amitam (c) duxit lochebet, singula divinis oraculis celebrata. Vt, si huiuscemodi matrimonia, legi a Deo naturae inditae repugnarent, necessum sit, & Deum non tolerasse modo, sed probasse, laudasse, ornasse imo mandavisse (vt in lege de ducenda fratris Vidua inferius ostendam) quae primaevo & innato iure vetuerat, & totum etiam humanum genus, quin ipsum orbis hospitatorem, ex incestu esse progenitum, Qualla vix afferet, qui absurdis non delectatur.

10. Non equidem ignoro, multis ita esse persuasum, ista a Deo tolerata potius esse, quam probata. Sed non videtur lucem ferre exceptio, neque enim tolerantur modo, sed laudantur, & divino favore, quo omnibus faustis haec consortia mactavit Numen iustissimum & purissimum, dignissima feruntur in divinis monumentis, quaedam etiam a Deo diserte Iudaeis iniunguntur; cum tamen, si naturae lege haec prohibuisset Creator, illaesa aeterna sua iustitia, quae contra fierent, nec tolerare; nec probare, nec iubere possit. Eius enim voluntas aeterna perfectissima, & immutabilis est. Nec videtur quidquam magis absonum posse dici, quam sapientissimum Conditorem, cum homines crearet; simul legem de non ducendis sororibus

*Deum contra
Ius naturae
nec dispensa-
re nec contra-
venire possit.*

B 3

&

(a) Gen. XX. 12. (b) Gen. XXI. 23, 24, 29, 30. (c) Exod. VI. 20, Num. XXVI. 59.

& propinquis illis indidisse, & eodem tempore imposuisse necessitatem hanc legem violandi, nisi forte Adami liberi, omiſſa maritali conjunctione, debuissent cum omni humano genere, improles decedere. Quid etiam omnipotenti fuisset, facilius, si eius voluntati semper repugnent istae maritationes, quam eadem opera, qua binos creavit homines, plures formare, ex quorum liberis sine immotae naturae legis violatione & incestu, potuisset humana gens propagari? Sed qui de his dubitant, in ipsa meridie caecutire videntur.

(2) *In Linea*
reſta.

Disſentien-
tes.

Conſentien-
tes.

II. Transiture iam ad *lineam Rectam*, acrior movetur controversia, obſtantiſſimis hic contentioſius, etiam iis, qui de Collateralibus mecum ſentiunt, Theologiſque ac Jure conſultis omnis aevi plurimis & celeberrimis. Ita enim (vt ex multis paucos adducam) Grotius, (a) Puſendorffius, (b) Virriarius, (c) Boeclerus, (d) Titius, (e) Seldenus, (f) Kulpifius, (g) Ioh. Muſaeus, (h) Buddeus (i) Maiorum cum liberis nepotibusve connubia nativo Iure prohiberi contendunt. Quibus ſummis viris obſiſtunt maxima etiam nomina, Oſiander (k) Thomafius, (l) Zieglerus, (m) Weberus (n) & noſtri aevi non pauci, qui negant; poſſe evidentiter ſatis ex

ratio-

-
- (a) De Iur. Bell. ac Pac. L. II. c. 5. §. 12. (b) Puſend. de Iur. N. & G. L. VI. cap. 1. §. 28. 32. (c) Virriar. Inſtit. Iur. N. & G. L. II. c. 5. qu. 20. (d) Boecler. ad Grot. de I. B. & P. L. II. c. 5. §. 12. (e) Obſ. ad Puſ. de O. H. & C. Obſ. 496. (f) Selden. de I. N. & G. L. V. c. 10. (g) Kulpis Colleg. Grotian. ad L. II. c. 5. §. 7. pag. m. 58. (h) Diſp. de Coniugio §. 106. (i) Inſtit. Theol. mor. p. II. c. 3. Sect. 6. §. 11. n. 2. (k) Ad Grotium l. c. (l) Inſtit. Iurispr. div. L. III. c. 2. §. 220. (m) Ziegler. ad Grot. l. c. p. m. 276. (n) Imm. Weber Not. ad Puſ. de O. H. & Civ. p. m. 267. Idem in Themat. Selectis Puſendorffio ſubiunctis p. m. 35.

ratione doceri, has nuptias incestas esse & prohibitas sua natura.

12. Ervidetur omnino; ipsum, quod naturalis di-
 stat ratio ius, gentes etiam docuisse; abstinendum es-
 se, a commistione cum parentibus, aut ex se natis. Ne-
 que enim Graecis nec Romanis, nec Aegyptiis sapien-
 tissimis populis, tales complexus fuere liciti; utpote
 quos, ex sola ratione didicerant aversari rationi. Et
 enim illa Lucanus (a) edoctus, cecinit:

*Exempla
 antiquorum
 pro dissensi-
 patione.*

- - cui fas implere parentem,

Quid reare esse nefas?

& ipsa etiam oracula (sive vafritiei sacerdotum, sive
 Daemonum praestigiis ea tribuas, omnino legis divi-
 nae positivae expertissima) istiusmodi contubernia ne-
 fanda esse docuerant:

Τῇ πάντων μήτηρ μητρεσφθόρον δέχεται ἄνδρα (b) i.e.

*Tellus omnium mater, non recipit, qui matrem
 corrumpere sustinuit.*

Effatum est, de non sepeliendo Persa, cui genti sol-
 lemnia fuisse coniugia cum matribus & filiabus infra
 docebitur.

13. Cum itaque & olim, & isto adhuc tempore Iu-
 ri naturae inimica talia esse censeantur, inquirendae
 erunt rationes, cur ita sit iudicandum. Quae enim
 ex ratione suam expectant lucem, auctoritate non ful-
 cienda sunt, sed causarum expositione. Maiorum
 itaque parentumque cum liberis nepotibusque cōitio-
 nes matrimoniales, incestuosas aiunt (1) ob *abhorrescen-
 tiam affectus naturalis*, ut Grotio (c) placuit, sive, ut
 Kulpifius (d) pronunciat, *ex dictamine naturae sine
 ratio-*

*Rationes dis-
 sentientium.*

(a) Lucan. Pharsal. lib. 8. (b) Agathias Histor. lib. II. (c) Grot.
 I. B. & P. L. II. c. 5. §. 12. n. 5. (d) Kulpif. Colleg. Grotian.
 ad h. l. p. m. § 8.

ratiocinatione, in quo olim iam praeunte sequuntur Iustinianum (a) Imperatorem, qui *instinctum naturae animalibus* (b) omnibus inditum dicit, sequutus scholas Stoicas, Naturae Iura & dictamina, brutis etiam tribuentes. (2) Ob *pudorem* naturalem, quo inverecunda coram parentibus dicere aut facere, iisque familiariter uti prohibemur, quae sententia est Pufendorfi (c) desumpta ex placitis Paulli antiquissimi apud Romanos Iureconsulti (d) (3) Ob *confusionem nominum & officiorum* parentalium atque coniugalium, quae inter se pugnare videantur, cum inter parentes liberosque, reverentia & imperium aliquod; inter coniuges vero aequalitas & familiaritas summa, ex naturali lege intercedat. Quod Grotio (e) & Vitriario (f) praecipuum visum est argumentum. (4) Socrates (g) denique, Graecorum facile sapientissimus, *inaequalitatem aetatis* & inde metuendam prolem aut nullam aut vitiosam & debilem adducit, tanquam praecipuam ad hanc causam argumentationem.

Quae non
Artingunt.

14. Quamvis autem ista tantam habeant speciem, ut summis etiam ingeniis satisfecerint, coepere tamen ab 30 forte annis a plurimis in dubium vocari; & sollicite dispici, num solidum crepent. Et sunt sane non tanti momenti, ut evincant, Lege naturali damnari omnino, tanquam nefandas & incestuosas, illas nuptias, quas cum parentibus liberi celebrant, quamvis (ut inferius

-
- (a) Novell. Iustin. novell. 12. c. 1. adde Paul. Cypraeum de Iure Connub. p. 2. c. 6. §. 1. n. 3. (b) Sic de Elephantis varii, maxime Aristoteles, de equis Plinius Hist. nat. L. IX. c. 48. affirmant, eos matribus nolle misceri. Sed falso. (c) Pufend. de I. N. & G. l. VI. c. 1. §. 28. 32. Idem Specim. Controvers. c. IV. §. 21. (f) L. 14. Adoptivus §. 2. Serviles D. de R. N. (g) Grot. l. B. & P. L. I. §. 12. n. 2. (h) Vitriar. Institut. J. N. & G. L. II. c. 5. qu. 20. (i) apud Xenophont. lib. IV.

ferius monebo) doceant, illas minus tutas, tranquillas, & honestas esse, quamquae cum extraneis ineuntur.

15. Quae enim ex Gentibus de incestuosis nuptiis adducta sunt, his oppono totius fere Asiae antiquae mores, quibus licitum & honestum fuit, maioribus, liberisve suis copulari. De Persis testis sit Clemens (a) Romanus, & Xanthus, (b) fidissimus harum rerum interpres, cum ipse Persicae disciplinae fuerit additus, ex quo constat, huiuscemodi coniugia non licita modo, sed in eo etiam nobiliora, illius aevi superstitioni, esse visa, ut nobilissimos, Regio solio magis dignos & sapientiores inde sperarent orituros liberos.

*Afferuntur
exempla ve-
rissima pro
thesi.*

Nam Magus ex Matre & gnato nascatur, oportet. Magorum quippe nomen illi seculo non perinde exotum fuit, ut nostro, sed sapientem, & naturae reconditas vires edoctum denotabat. Consentit istis Iosephus (c) gravissimus Scriptor, & Sextus Empiricus (d) qui suo etiam tempore hos mores in Asia valuisse testantur. De Australis Asiae incolis idem affirmat Ptolemaeus. (e) Nec XII. post Christum natum seculo eiusmodi matrimonia in Minori Asia fuere turpia aut interdicta. (f) Et, ne aut vni genti, aut seculo id tribuas, de omnibus id Barbaris (qua voce Graeci totum terrarum orbem complexi sunt, excepta Graecia) olim affirmavit Euripides (g)

C

Tos.

- (a) Clem. Rom. Recognit. L. IX. (b) Xanthus in Magicis apud Clem. Alexandr. Strom. III. Adde Philon. de specialibus duorum Decalogi Capitum, qui tales liberos aliis in regni hereditate praepositos docet. Et Imp. Iustin. in Novell. 154. (c) Ioseph. antiq. Iud. L. XX. c. 2. (d) Sextus Empiricus Pyrrhon. hypotypos. L. III. cap. 24. apud Selden. Iur. Nat. & Gent. L. V. c. 2. p. 623. seqq. (e) Ptolemaeus Tetrabibl. lib. II. adde Pufendorf. I. N. G. L. VI. c. 1. §. 32. (f) Beniamin Tudelenfis Itinerar. p. 34. (edit Constant. l' Empereur) (g) Euripides in Androm.

Τοῦτον πάντο βαρβαρον γένος

Πατρὸς θυγατρὶ, παῖστε μητρὶ μέγνυται

Κόρη τ' ἀδελφῶ

- - Καὶ τῶν δ' ἔδεν ἐξεργεῖ νόμος.

Tale est omne barbarum genus: Pater filiae, natus matri se miscet, sororque fratri, nihil horum prohibente lege.

Et in ipsis Graecis, à barbaro more alienis, Seleucus Syriae Rex vxorem Stratonicen filio Antiocho ex nimio novercae amore perditissime laboranti tradere non fuit veritus. (a) Neque ipso hoc nostro aevo ubique defuisse eiusmodi connubia (b) ex itinerariis patet. Quin antiquissimis Graecorum auctoribus, quibus de diis tribuendae videntur fabulae, ista connubia nefanda & incestuosa non fuere visa; neque enim, si huiuscemodi illa habuissent, ipsos suos Deos talibus coniugiis ortos vfosque fuisse finxissent. De quibus primi saltem effectores vix videntur alia voluisse tradere, quam quae divina Maiestate digna & patriis moribus non damnata iudicarent. Iovem enim cum Matri Deum coniungere, cum maritum sororis germanae Iunonis finxere, cum tradidere eum filiae propriae Proserpinae amore defunctum (c) esse, non videntur metuisse, ne aut narrationi fides, aut reverentia Numini detraheretur, quod necessum fuisset, si antiquissimum illud seculum perinde, vt sequiora, ab his abhorruisset. Quae omnia satis declarant, plerasque gentes ex ratione non potuisse cognoscere, abstinendum esse

- (a) Plutarcho teste. (b) Quae etiam ita iusta barbaris videntur, vt rideant ab his alienos Europaeos, cum iniquum videatur ipsis, eum, qui arborem plantavit, a fructione ipsius excludi. (c) Vid. Arnob. adversus Gentes L. V.

esse ab istis complectationibus coniugalibus, quae si quid hic diceret, non minus apud hos populos & ista tempora, quam inter Graecos Romanosque valuisset, quorum instituta aut ex civili prudentia, aut ex commercio cum Iudaeis Aegyptiisque potius, quam sola rationis illustratione videntur esse profecta.

16. Nec magis stringunt argumenta supra §. 13. explicata. Nam (1) nec adest iste, quem appellant *affectus naturalis horror*, nec si adesset, sufficeret ad damnandas coniunctiones cum parentibus. Neque enim ea omnia, a quibus abhorremus, illicita & nefanda statim sunt naturali lege. Sic bufones contrectare, quae vomueris, resorbere, & sexcenta alia cui non moveant horrorem? quae tamen prohibitione naturali non dixeris esse damnata. Et vix quicquam maiorem naturae incutiat horrorem, quam pericula mortis, quae tamen subire non modo non prohibemur, sed nonnunquam etiam iure naturae iubemur. Sed, ut dictum, abhorrescentia, quam accusant, nulla est, nisi ex educatione & communi persuasione. De brutis, quae etiam hic non minus quam homines sapere volunt veteres Iure-consulti, ex omnium quadrupedum, aviumque, domesticarum maxime, id patet vagis fecundationibus. De homine non magis obscurum est, testibus tot olim & nunc populis tot inter Christianos etiam exemplis passim prostantibus, communicati cum parentibus liberisve (a) corporis, tum per incestum

*Respondetur
rationibus*

1. *Naturali
horrori.*

C 2

tum

(a) Rarum eiusmodi exemplum ex Luth. Comm. in Gen. c. 36. refert Hertius de Matrim. Putativo. Opusc. T. I. p. m. 365. cui simile est, quod Lubecae in Cathedrali ecclesia notissimo illo epitaphio traditur. Wonder over wonder, Hier ligt under, Vader un Moder, Syfter un Broder, Mann un Wiif, dre Seelen, un een Lief.

tum per libidinem, sine vlllo horrore aut naturae abominatione.

a. Pudori.

17. Quae porro (2) a nativo Pudore petuntur tela, valde sunt imbellia. Pudorem naturâ maiorem erga Parentes quam extraneos esse nego, nec consequitur statim, prohiberi cum illis nuptias, coram quibus turpem aut inverecundum videri pudeat. Ita enim omnes erunt prohibitae feminae, nam omnes sane causam pudoris habent in se, & plane frontem deposuerit, qui intpiciente alterius sexus homine, non familiarinprimis, audeat turpiter sedare. Et si quis sit eiusmodi, is minus erit in parentes, suosve verecundus quam in alios. Quod inter plebem rusticam non obscurum est, quae saepe suis inspectantibus nuda incedere non erubescit, coram aliis magis pudibunda. Denique pudor, ubi adest; non efficit, vt propterea id, ob quod erubescis, legi adversetur. (Sicut mendicare plerosque pudet, licet id iniustum non sit) sed sequitur potius conscientiam rei in se, non ob pudorem decoro & moribus honestis, non legi normaeque iusti adversantis, saepe etiam nec indecentis nec inhonestae, sed insolitae tantum. Itaque etiamsi semper adsit maior pudor & verecunda continentia coram parentibus, quam aliis, collegero inde indecora, aut forte minus honesta nostris praecipue moribus esse, quae illis praesentibus facere pudet, non vero iniusta & naturae arbitrio nefanda. Nisi forte aut in lutum provolui, aut publice subsannari a petulantibus, aut ab infamibus appellari amicum, aut criminis non patrati reum agi, aut viliora quam pro conditione, ministeria facere, aut deprecari culpam & innumera huius furfuris incestui aequalia & criminosa statim erunt, quod vel perfrictissimis frontibus ruborem eliciant.

18. Idem

18. Idem videtur (3) de Confusione nominum officiorumque maritalium esse sentiendum. Neque enim perspicio, quid impediat, quo minus inter parentes liberisque summa familiaritas, inter Coniuges autem reverentia & imperium esse possit, nec Pater peccat, si filium filiamve non modo libere & familiariter secum vivere patiatur, sed, si forte sapientiores sint, aut pater ex aetate minus valeat iudicio, illi obsequatur, & aliquo modo pareat: Nec nullum aut vitiosum est Coniugium, ubi vxor marito imperat. Vtrumque vulgatissimis vbique exemplis confirmatur. Etiam si vel maxime incongruum videatur; parentem liberis familiarissime vti, maritum autem vxori obsequium praestare, non tamen inde fluat; Contrarium id esse naturae iuri. Apertius enim pugnat subiectio subditi cum nomine & auctoritate mariti patrisve. Neque tamen vnquam quisquam sustinere fuit ausus, peccare reginam si subditum maritum adsciscat, aut prohibere legem innatam, ne pater privatus, filio Regi subiectus sit. Filius etiam si novercae matrem ducat, adeoque patris focer, quodammodo fiat, incredibili modo confunduntur, nomina filii, priuignique, & patris atque Socris, nec non privignae & novercae denique sororis, neptis affinisque. (a) Qualia tamen coniugia nulla lege nec divina nec humana vetantur.

3. Confusio
nominum.

19. Quod denique (4) Socrati *inaequalitas* aetatis & meruenda proles imbecillis aut nulla displicuit, ea ratio aut frustra est, ubi pater filiae neptisve ambiat coniunctionem, filiusve adultior novercae iuniori iungatur, aut ubi adest, non magis iniusta sit, quam nuptiae cum senibus omnes, quibus tamen nulla lex in-

A. Inaequalitas aetatis.

C 3

ter-

(a) Conf. omnino Ioach. Hopp. ad Institut. tit. de Nuptiis princip. de Comput. Graduum §. 17.

terdicit, quamdiu ipse proles adsit. Ut itaque ista disputatio ad omnes senes nupturientes, non autem solos parentes pertineat, nec ad naturalem legem, sed potius civilem spectet prudentiam.

Nullus itaque ex Lege naturae incestus.

20. Lege itaque naturalis iuris, in arctiori significaru, non interdictae & incestae sunt. Nuptiae inter Radicem Ramumque seu Cognatos Lineae Rectae adscendentis (ut vocari solet) contractae, cum nulla idonea ratio inueniri possit, quo receptam fere ubique sententiam tot solertissimi eius defensores potuerint tueri. Vbi autem ratio deficit, ibi nec iure naturali rationi subnixo, quicquam potest esse definitum. Quod ut eo luculentius magisque extra dubitationem sit, firmare porro conabor vno alteroue argumento, esse omnino nullam hac in quaestione Innati luminis constitutionem.

*Confirmatur Thesis,
I. Quod p^{ri}-
mis homini-
bus, licet p^{ri}-
mas ducere.*

21. Farentur antiqui Iudaeorum Magistri, prima mundi vix nati aetate, licita fuisse, non fratrum modo cum sororibus, sed patrum etiam cum filiabus matrimonia. (a) Quod si in his illis fides habenda sit, uti habuere viri summi, nec vlla obstat ratio, quilibet facile perspiciet, ista non ut illi explicant, dispensatione divina permixta, sed ipsa natura duce licita fuisse. Quod ut doceam non videtur opus, quae supra §. 10. adducta sunt, repetere. Accedit exemplum Iudae cum nuru (b) concumbentis, quod in hac controversia non obiter meretur considerari. Nurus ipsius erat Thamar, vidua per aliquot iam annos destinata filio ipsius minimo, post ab ipso iam viduo, incio quidem constuprata, sed cum gravidam esse comperisset, igni adiudicata ob violatam fidem, quam dederat, de servanda

*2. Thamar
nuptias Iudae
saceri ambire
pro more ac-
c.*

(a) Buddeus synopsis I. N. & G. sec. Discipl. Ebraeor. p. m. 47. Seiden. I. N. & G. L. V. c. 8. (b) Genes. c. XXXIIIX, 11-26.

dauiditate; ad Coniugium cum nro Iudae, & iniustam simul maculam omni suae familiae. Deinde tamen, cognito ex se vrerum gerere, absolvit eam Iudas a poena capitis, nec peccasse ait, sed iustiores se, esse. In quo Casu notabile videtur (1) fuisse hic omnino coniunctionem cum socero, in linea adscendente (2) tum demum ab illa quaesitam, cum mortua Iudae vxore focru sua spem matrimonii cum socero viduo posset habere Thamar, (3) suscepisse illam hoc consilium spe nubendi socero (4) (5) Postea ob violatam, quam de nuptiis cum minori Iudae filio inierat pactionem, & prostitutum corpus, capitis supplicio ex sententia Iudae tanquam patris familiae fuisse plectendam, cum violata fides naturae iuri repugnet, & accederet, hic totius familiae ignominia. (6) Audito autem; Thamar ex Socero concepisse, non auxisse Iudam poenas, quod iustum fuisset, si incestum ex natura humana infandum commisisset, (7) sed remisisse etiam deceretur iam supplicium (8) & factum esse, illam iure suo in se esse vsam, vt cogeret, qui filium maritum ipsi non iunxisset ex pacto, se saltem maritum illi praestare. (9) Nec hic nec vsquam alias damnari factum Thamaris in sacro Codice (10) sed videri potius ipsam inter

-
- (*) Id inde elucere videtur, quod Studiose astuteque solius Iudae quaesiverit amplexus; quod vidui demum, vt thoro vacuo spes sit succedendi; quod ea ratione, vt, datis pignoribus posset deinde socerum rei patrae convincere; quod si enim ex sola libidine id factum fuisset, nec vno nec soceri Complexu, sed vagis illius aevi congressibus aliorum videtur vsura fuisse; accedit significatio, illa, quam accusata Iudae fecit, quae nil aliud, nisi ipsum illam maritasse, ostendit; denique ipsa illa pignora annuli, armillae baculique symbola in initio coniugii illi aevo forte fuerint.

inter legitimas Iudae vxores esse locandam (a) (10) eumq; morem eo aevo non fuisse insolitum, cum aliter vix muliercula tanti facinoris cogitationem fuisset admittitura, nec certissimam & infamiam & capitalem vindictam sibi concitatura, idque nulla vrgente necessitate, nisi communi more & instituto fuisset invitata: (11) denique, qui aliter sentiunt, necessario admittere, ex tanto incestu prognatum Servatorem, atque ita detestando flagitio, summam a Deo additam esse felicitatem, & maiorem, quam aliis nuptiis gratiam, idque studiose a Matthaeo indicatum, ne Christiani nominis inimicos deficeret occasio ex hoc etiam capite cavillandi, & animum in Sospitatorem optimum Maximum magis incitandi. Quod quomodo cum divina sanctitate, gloria Servatoris, & scopo Matthaei [christianae fidei nova impedimenta certe non creaturi] conciliari queat, dispiciant, quorum id interest.

3. Filiae Lo-
thi aliter pa-
tris ample-
xus harruif-
seru.

22. Magis etiam Iudaeorum de nuptiis patrum cum filiabus traditionem illustrat exemplum Lothi, filiarumque. (b) Quas sane longe verosimilius est, ex antiquo more illis non ignoto in hoc consilium ex patre concipiendi devenisse, quam sua sponte animum adiecisse, ad commissionem detestandam, & inauditam antea, idque eo ipso tempore, quo adeo insigne exemplum divinae vindictae in peccata naturae repugnantia editae, ipsis ob oculos versabatur. Quod enim vulgo de extrema necessitate, leges naturae sufflaminate, eas philosophatas esse dicitur, id longe subtilius vide-

(a) Innuit hoc v. 27. qui docet ipsam a Iuda non amplius fuisse cognitam, id est ipsum iure suo non usum postea, eamque non amplius habuisse vxoris loco, ut licuisset, Accedit quod 1 Chr. 11. 3. & Matt. 1. 3. Thamaris, aequae ac Ruthae & Bathsebae fiat mentio tanquam iustae vxoris. (b) Genes. XIX. 30, seqq.

videtur, quam pro captu istarum virguncularum, quibus cum sua civitate omne humanum genus deleri persuasum erat. Accedit quod nec ipsi Parenti, ebrio quamvis, iactatus naturalis horror, aut pudor aut quaecunque alia incestuosi concubitus nota obstiterit, quod fieri vix posset, maxime in homine pio, vini non insue-
ro, & continenti, nisi nullae essent hae rationes, & ipse consensisset. Vt adeo vinum, mea quidem sententia; id effecerit, vt alacrior & inconsideratior inde factus, facilius captus sit blanditiis filiarum, neque dubitarit (a) multum sive ante sive postquam ipsae ad illum accessissent. Plane enim ignarum eum fuisse actorum, vix credibile est, nec fieri potest, vt omnibus Naturae Consultis in confesso est. Adde iam, nusquam in divinis paginis reprehendi Lothi filias, nusquam notari; aut Ammonitas, aut Moabitas, ex turpissimo (si vulgum audias) ortos incestu, sed potius diserte Deo curae esse, ne quid ipsorum ditio detrimenti ab Israelitis capiat. (b) Quod enim postea prohibeantur vnquam Ecclesiae accenseri (c) ea non poena labis ex origine adhaerentis, sed inhumanarum in Israelitas praeterreuntes insidiarum, & detestandae malitiae fuit, vt ipse Moses significat.

23. Denique cum in N. foedere divina veritas omnium clarissime patefacta sit, maioris, quam adhuc haberi siveit momenti, illud videtur, quod in omnibus Evangelici luminis monumentis, altum de incestu ex natura vetito sit silentium, cum tamen vix vllum extet aliud peccatum quod non alicubi diserte sit, damnatum. Maxime autem huc tacit 1. caput Epistolae

A. Nusquam in N. aut V. T. dicitur natur incestus, aut natura nefandus.

S. Maxime ad Rom. I. non oportuisset omitti.

D

ad

(a) Nam & hoc significare potest phras: *non cognovis*, live *perpendit, nec cum decumberet filia, nec cum surgeret.* (b) Deuter. II. 9. (c) Deut. XXIII. 4. 5.

ad Romanos, in quo Paullus horrenda illa crimina bestialitatis Sodomiae; adulterii, & vagarum libidinum vtriusque sexus recenser, quibus Deus iusto iudicio commaculati gentes rationis lumen negligentes & perverrentes passus sit. Vbi sane incestus cum maioribus aut liberis, suo merito locum habuisset, nec a divino Auctore omissus fuisset, si quid hic definiret illud naturae dictamen ex cuius turpissimo neglectu delicta, quae reprehendit Paulus, prodire. Neque enim est, quod propterea putes de his filere Apostolum, quod Romanis legibus vetitae fuerint hae coniunctiones. Respexisse enim, non ad solos Romanorum mores, sed alios quoque, Asiae Africaeque populos indicio est, quod v. 23. ait, ipsos divinam Maiestatem in simulacra non hominum modo, sed quadrupedum, volatilium insectorumque convertisse; qualia simulacra Romanis culta non fuisse notissimum est. Itaque vero fit simile, non potuisse hac in parte, gentes istas laesae Naturalis iustitiae accusari.

Obiectio ex
1 Cor. V. di-
missa.

24. Ne quis autem audacius quam verius, me credat, asseruisse, nihil in Apostolicis scriptis de incestu esse consignatum, necesse est, ut Corinthium illum a Paulo (a) inaudirae scortationis damnatum, quem communiter huc referri video, quid peccaverit, sollicitius interrogemus. Fuit itaque Christianae disciplinae addictus, Corinthius, qui in media vrbe florentissima, (in qua, siquid a Christianis peccatum esset, ob loci celebritatem nec poterat abscondi, nec in summam novae Religionis ignominiam non cedere) uxorem patris duxit, reclamantibus, non reliquis Christianis, sed legibus, saltem Graecis Romanisque & moribus gentis. In his convenit facile cum omnibus interpre-
tibus,

tibus, nec multum attinet de Pauli Consilio, quo criminofum Saranae tradidit, disputare. Id vero magis ad rem faciet, vtrum crimen fuerit in eo, quod patris duxerit vxorem, an vero, quod vivi etiam, & inviti forte? Mihi certe postremum longe fit verosimillimum ex verbis Paulli: (a) Quod itaque etiam (gravius), vobis scripti, non quidem (id factum) ob eum qui iniuriam fecit, nec ob illum, cui est facta, sed vt nostrum de vobis studium vobis coram Deo manifestissimum fieret. Obsecro te, quis est, cui facta est a Corinthio iniuria? nisi pater sit, vivus adhuc; a quo tanquam gentili, ex abusu libertatis Christianae noverca etiam Ecclesiae disciplina imbuta videtur esse abducta. Nulli enim cœtui tantam libertatis in licentiam transducendae promittitudinem infuisse, quantam in Corinthiis, docet Pauli cura, qua hanc partem Corinthii diligentius quam aliis Ecclesiis inculcare necessum habuit. Et solet fere in celebrioribus frequentibusq; emporiis, licentiosius agi. Quod si vero per eum qui *laesus sit*, Ecclesiam Corinthiacam intelligas, nec ex more Apostolorum est, in singulari loqui de omnibus alicuius coetus fidelibus, nec constabit oppositio Laesi laedentisque, & iterum Laesi atque Corinthiorum, nec parum minus simplex atque nativus erit sensus, Et primis illis Christi discipulis sollemne fuisse, a coniuge Ethnico abduci, avelli; elucet (b) ex 1 Cor. VII. 15, iam non sine ratione Paulus, postquam V. capite factum Corinthii acriter damnaasset, mox VI. sectione de

D 2

vfu

(a) 2 Cor. VII. 12. (b) Adde Iustin. Martyr. Apol. I. & exemplum Theclae. Primae inter Martyres feminae, alleg. Böhmero de Iure Princip. circa divortia. §. 6. Iudæis certe eiusmodi Divortia solemnia fuere. vid. Esr. X. 3. Forte eiusmodi etiam sit exemplum Luc. VIII. 3.

usu & abusu Christianae libertatis, VII. autem de legibus matrimonii agit, cum Corinthius ex abusu licentiae, quam Christianam dicitabat, matrimonium patris distraxisset, sibi quæ novercam devinxisset. Vt itaque delictum sit, non quod novercam duxerit, sed quod vivo patre, forte invito vel dolo circumvento; quod contra mores legesque patrias; quod itaque Christiani nominis certissima inde sequeretur contumelia (a) eoque maior & latius diffundenda, quo illustriori loco esset peccatum, paucis: quod adulter esset, & legi patriae non audiens dicto, & gravissimum dedisset scandalum. Nam si in propinquitate fuisset peccatum, quo pacto circumspectus gentium Doctor, qui de rebus minoris momenti curatissime in ipsis his litteris Corinthios docuit, neglexisset fontem criminis satis aperire? De fide autem coniugali, de patientia coniugis Ethnici, de officio maritali, & de finibus libertatis divinae, statim curatissimam expositionem subiungit, ut in his, certissime appareat, ex Pauli mente, quaerendum esse offendiculum. At, inquires, cur non addit Paulus, vivere patrem, adeoque adulterium esse? Quia scilicet Corinthiis scribebat, rei gestae non ignaris, non Romanis aut Phœnicibus. Cur autem addit esse scortationem & Ethnicis etiam ignotam? Quod vocabulo scortationis eo aevo omnia carnis libidinisque delicta comprehenderentur, & adulteria ipsa, (ut tum Rom. I. tum passim alibi) deinde quod adulteria

-
- (a) Videtur sane ex huiusmodi casibus forte frequentioribus orta esse teterrima illa in primos Christianos calumnia, eos incestuos nuptiis & vxorum communicatione se pollueri. Neque enim omnino fictae sunt Ethnicorum in illos criminationes, sed ex rebus moribusque optimis, novis tamen aut medijs saltem malitiose detortae.

ria cum noverca omnino Graecis Romanisque erant incognita. Vritaque ex Corinthio exemplo disci non possit, quod in quaestione erat.

25. Iam ut latius diffusa, in nervum contraham, cum nec gentibus antiquis & recentioribus, moratis barbarisque damnata fuerint connubiagenitorum cum parentibus, nec solida contra illa ratio vlla possit produci, nec in scripturis vestigia occurrant, sed potius & moribus antiquorum, ante legem Mosis, & plerumque postea nationum, & fini Coniugii a natura praescripti satis apte conveniant, eiusmodi nuptiae non videntur repugnare iuri naturali, nec incestae illicitaeve ita esse, ut, si fiant, ipsa natura nullas, nefandas supplicioque & infamia dignas esse praecipiat.

Gradus prohibiti itaque I. N. non repugnant.

26. Ne ramen & hoc dissimulem, fateor omnino has nuptias ex solaratione dissvaderi, tanquam minus honestas, decentesque, & a virtutis perfectione alienas, quamvis non vetentur, ut iniustae, aut poenis capitalibus coërceantur. Nam honestati omnino repugnat, suo exemplo aliorum incendere cupiditates, aut ita libidini indulgere, ut alii inde offendantur, sibi que ipsi postea etiam dedecus & infeliciores vita contrahatur. Vtrumque valet de Coniugio cum Parentibus, liberisque quo fratres sororesque, quo vicini, quo omnes eo magis ad domesticos amores sollicitantur, quo infrequentius sit negotium. Infiniti erunt, qui offendentur tali consortio, litium hinc, inimicitiarum, calumniarum domesticarum & extranearum fertilissima seges. Ipsa talia Coniugia parum forent tranquilla, parente coniugis filiae filiive aliquod sibi dominium forte morosius vindicante, & exprobrante etiam coniugi, quae puer erravisset. Ut nil dicam de metu, iusto

Attamen honesto & decore atque virtute.

sto sane, adulteriorum Corinthiacorum (a) & parricidiorum tum in Coniuges, tum in parentes, si legibus foret permiffum patris thorum confcendere, aut matris loco parenti iungi. Quae & infinita alia fatis declarant, iufte prudenterque leges civiles vbique graviffimis pœnis hos complexus coërcere, &, qui ad illos adiecerit animum, graviffime fervire libidini, & honefti decoris effe negligentiffimum, leviffimo (vt de adultero queritur filio Iacobus) animo, & ab omni virtute alieno, quae nulla eft, fi honeftatem & decentem vitae rationem abiicias. Quod itaque Ius naturae nec vetat nec mandat, id virtutis doctrina inhonestum indecensque & inpotentis animi effe docet, Civilia vero inftituta merito vetant, atque gravibus fuppliciis coërcent.

Cap. II.

An fit Ius Divinum pofitivum universale?

I.

Int. hoc **P**rogreffimus iam ad *Ius divinum pofitivum, universale*, quo omnes teneri volunt homines, etfi alia doceat, quam quae ex ratione queant cognofci, praecipiatque aut veter, quae natura media effe voluerat. Et in eo definiri docemur vulgo, ne Coniugia contrahantur inter nimis propinquos, cuius legis plenior explicatio, tum ex prima Creatione, tum ex Mofe depromi folet.

2. Praejudicialis autem fit difputatio, vtrum fit eiusmodi *Lex divina ad omnes mortales pertinens, non tamen ex naturali ratione, fed ex pofitione divinae voluntatis*.

(a) I Cor. V. I.

tuntatis olim patefactae petenda. Affirmant mox sine vlla haelitatione, quotquot fere succurrunt Theologi nostrae Confessionis (inter Romanos enim plures dubitavere) & novissime Hochstetterus (a) atque Gramlichius (b) operosi eius assertores, olim etiam Buddeus; (c) E Iureconsultis subscribunt iidem plerique, inter quos reliquis praëunt Grotius (d) eiusque Commentatores omnes, Weberus, (e) Beierus (f) & ante hac Thomasius quoque (g) Plures ex tanta turba nominare supervacuum sit.

3. Producent pro sua sententia varias divinas Constitutiones, quae aut suo tempore aut hodiernum omnes omnino contineant, quamvis ex naturali iure nequeant derivari. Qualismodi sunt arbor in Paradiso vetita, Mariti in vxorem imperium, supplicium homicidae: Polygamiae divortiique interdictio, Gradus prohibiti, & Sabbatum cum Sacramentis. Quibus se aiunt cogi, ut Positivam legem ad vniuersos pertinentem stabiliant.

4. Haec tamen non omnibus satis fuisse ad novam legum speciem effingendam, in propatulo est. Ex nostratis primus, quod sciam, diserte istis se legibus obiecit Hieronymus Brucknerus (b) Iureconsultus Gothanus, & Duci Saxoniae ibidem olim a Iure dicendo; secutus est, mutata priori sententia, Legis divi-

vi-

(a) Colleg. Grotian. exerc. III. §. 21. (b) Io. Andr. Gramlich. Concion. Aulic. Wurtenb. in Vindiciis legum divinarum positarunt. (c) Budd. Elem. Philos. pract. p. II. c. 2. & 13. (d) Grot. del B. & P. L. II. c. 1. §. 3. (e) Weber. not. ad Putend de O. H. C. p. m. 47. 48. (f) Georg. Beier Profess. Iur. divin. c. 8. (g) Thomaf. Iurispr. divin. L. I. c. 2. §. 63. (h) Bruckner. Decision. Iuris Matrimonialis controuersi in Prooem. §. 38. seqq.

vinæ positivæ primus dexterrimusque antea assertor & interpret Christianus Thomafius, (a) & post hunc Io. Franc. Buddeus (b) Theologus Ienensis celebratissimus, cui etiam cum Thomasio placuit leges positivas strenue olim a se defensas deferere. Alios minoris aut famæ aut opinionis adiungere nec vacat, nec his supplementis opus est, cum potius cur, quam quinam ita fenserint, sit dispiciendum.

Rationes.

(1) *Quod
divinas per-
fectioni de-
votus hoc
vult quasi sub-
sidiarium.*

(2) *Promul-
gatio desit.*

*Obiectio esse
promulga-
tionis.*

5. Negant enim potuisse Deum Legem aliam, nisi quam natura præscribit, hominibus omnibus servandam ferre, idque tum ex natura divina, tum conditione hominum demonstrant. (1) enim iniurium videtur, in divinam sapientiam tremendum illum abyssum, cum docetur, non potuisse Creatorem, ea omnia, quæ universo humano generi tenenda esse voluerit, primitiva illa naturæ impressa lege complecti, sed opus fuisse, nonnulla, quasi aut prætervrsa aut ignorata, postea nova in supplementum lege sancire. (2) Homines lege quæ ipsis promulgata non est, non teneri apertum est, Positiva autem promulgari non potuit omnibus hominibus, maxime illa, quæ Mosis ævo lata esse perhibetur, itaque non excedit illam gentem, cui fuit promulgata, sed eo ipso, quod positiva & voluntaria sit, universalis esse non poterit, cum universis de illa constare nulla ratione queat.

6. Priusquam autem ulterius procedam, audienda sunt, quæ pro promulgatione legis positivæ solent interponi. Publicatam scilicet putant per Adamum, Noachum, Moysen, & Christum. Per illos quidem ita, ut orali traditione posteris hæc statuta commendarent, seris porro Nepotibus iniungenda. Per Moysen vero

(a) Thomaf. Fundam. I. N. & G. L. I. c. 5. (b) Buddeus Instit. Theol. moral. p. II. c. 1. §. II.

vero consignatione & expositione perscriptum codicem, ab omnibus facile inquirendum. Per Servatorem denique, annunciatione sua Apostolorumque ubique terrarum divulgatam huius legis vim. Et ita autumant, satis humanogeni expositam fuisse divinam hanc normam, &, si forte fuit, qui eam postea neglexerit, sua culpa suoque id facere damno. Quemadmodum, ut Webero (a) placet, in credendis etiam, quae ad salutem perpetuam necessaria haberi voluit Deus, publicandis non aliter se gessit iustissimum hoc Numen.

7. Sed quem nobis dabunt vadem, vniuersalia, haec decreta aut Adamo aut Noacho esse tradita & iniuncta silentibus maxime sanctioribus litteris? Quae enim de fructu vetito & instituto matrimonio afferuntur, & pauciora sunt, quam ut Legem positivam totam *abfolvant*, & infra commodius examinabuntur. Noacho autem, quae de esu animalium non amplius viventium, & de vindicanda caede praecepta sunt: rursus & angustiora sunt, quam ut probent totam legem positivam ipsi esse demandatam, & dubitationi obnoxia. Quis enim pro certo affirmet, divinae legi repugnare, aut sanguine aut parte viventis animalis v.g. lacte vesci? Rabbinorum si mihi obiciant auctoritates, frustra sunt, quos ego parum idoneos habeo testes in re tam seria & tantae antiquitatis, cum ipsi maximam partem & recentiores sint & nugacissimi. Promulgatio per Moysen, extra controversiam particularis fuit, solisque Iudaeis facta, quibus ille vnus destinatus & locutus fuit, quosque ipse hac sua lege omnibus terrarum orbis gentibus praecellere dixit, (b) denique quibus ne verbulum quidem de communicanda

E
cum

(a) Weber. not. ad Pufend. L. c. (b) Deut. IV. 7. 8.

cum exteris gentibus aut parte suae legis aut illa integra praecepit. Christum vero caelestem nostrum Sopitatorem quomodo huc referant, non perspicio. Qui non legis aut ferendae aut proferendae, sed emendandae humanae mentis, redimendique generis Adamici causa omnia dixit egitque. Neque enim vsquam quidquam legis aut sanxit, aut ampliavit, sed suae voci auscultaturos consilio atque institutione viam edocuit, qua possent & praesentis & futurae vitae miseriis eluctari. Itaque longe diversa ratio est praeceptorum Christi & omnium Credendorum, quam legis alicuius positivae. Haec si negligatur, infligit poenas, asperiores etiam, quam fuissent absque hac lege. At haec, cum rationi suffulta non sit, auctoritate promulgantis opus est, ut reverentia audientibus incutiatur. Denique, ubi obtemperes, effugies quidem eviresque poenam, commodi autem nihil contraxeris, nec ad felicitatem magni quid isto solo obsequio adieceris. Illa autem, quae Christus docuit, qui aut postponit, aut non accipere potuit, manet quidem in sua miseria, nova tamen poena (nisi malitia mentis vindictam Iudicis novam depolcat) non premitur, qui vero tempestive admittit, is non modo ex miserrimis eluctatur afflictionibus, sed acquirit simul laetissimam & hic serenitatem mentis, & post hanc vitam beatissimam felicitatem. Vnde non opus est, ut Christianae fidei institutionibus accedat, docentis auctoritas; sed suo scopo, suaeque insita vi animis se insinuant, si modo rite proponantur. Adeoque publica sollemnique promulgatione opus non magis habent, quam salutare quodvis Consilium (si magnis parva licet componere) viri prudentis. Infitari ergo nemo poterit, Promulgationem tanto legislatore, tam univ ersali lege & toto hu-

humano genere dignam, nondum esse demonstratam, sine qua lex nulla est.

8. Sed redeo in viam (3) Novum itaque contra Leges has divinas positivas argumentum fit, quod etiamsi rite promulgatas esse concedas, oblivione tamen vitioque maiorum omnibus, omnino gentibus, Iudaeos & Christianos si demas, notitia illarum nulla sit tradita. Quod facile per singulas terrae nationes posset ostendi. Et qui posset conservari illius memoria, cum *traditio oralis* ad quam provocant, adeo fallax incertaque sit, variisque corruptelis obnoxia. Cum humani animi leges scriptas calumnientur, magis id ausuri in non scriptam tarditionem. Quae omnia non potuit non praesentire omniscium Numen, ut adeo Legem tulerit, necesse sit, mox oblivione delendam, cum non prospexerit conservandae eius memoriae. Aut itaque illi, quibus nihil vnquam de illis statutis innotuit, solventur poenis isti legi statutis, aut illis erunt obnoxii. Istud adorandae Numinis Iustitiae repugnat, quae nec maiorum peccata in filios vindicare potest, (a) nec iudicare homines ex lege illis numquam ne fando quidem accepta. Si autem liberi sint, qui ignoratam legem violavere, a poenis, apertissimum est, ad illos hanc legem non pertinuisse atque ita univrsalem non debere dici. Mihi certe parum digne de ineffabili divina bonitate videntur sentire, qui persuasi sunt, aeternis aerumnis Deum animadversurum in transgressores istorum praeceptorum, de quibus nihil nec acceperant umquam, nec vel coniectura ad illa indaganda poterant impelli; cum tamen & Divinae potentiae facillimum fuisset, infinitis modis, omnibus illa gentibus seculisque patefacere, & ipse declarer, se non

3. Nec suffi-
ciat Promul-
gatio ad con-
servandam
memoriam.

(a) Conf Ezech. XVIII tot.

exigere actiones humanas ad leges procul positas aut obscuras, (a) sed in propinquo ac summa luce constitutas; denique divina haec providentia in conservandis ad omnem posteritatem (b) statutis vni Israelis genti datis adeo sollicita fuerit, futura magis etiam in illis, quae ad omnes mortales essent protendendae, si ista Numinis sapientissimi mens fuisset. Insuper ille inter nos sit Legislator, qui legem ferat, sed ita, ut observaturis non innotescat, iniustus etiam, si puniat, non observantes ignotas Constitutiones. Nec solvit difficultatem, quae de vincibili ignorantia passim praetexuntur. Humana enim est exceptio, quae in foro divino admitti non debet. Et si admittendam esse velis, iubeas, invincibilis omnino erit illorum ignorantia, qui nihil umquam de lege divina inaudire, si etiam audiant, credere non potuerunt, tum ob haustas iam à prima luce opiniones contrarias, tum ob deficientem legis rationem, suspectam nunciantis fidem, admittentium paucitatem, & inter hos etiam infrequentiam observantium, denique ob dubiam Legislatoris auctoritatem, quam gentiles omnes non possunt non in dubium vocare.

4. Scripta-
mentum silent.

9. Porro (4) *Leges divinas scriptas* ad Gentes pertinere, nusquam tradidit Creator, non omisurus, si tales essent. Paulus (c) quidem legem natura cordibus infixam gentibus tribuit, de revelata autem ubique silentium. Potius contrarium (d) ex Mosis Psalmorumque testimonio possit verosimile videri, ubi Gentiles lege divina carere dicuntur, quod cur ad solas caeremoniarum, & aliquas civiles leges restringendum

(a) Deut. XXX. 11-14. (b) Deut. XXXI. 11. conf. c. VI. 6. seqq. XI. 18. seqq. (c) Rom. II. 14. 15. (d) Deuter. IV. 7. 8. Psalms. CXLVII, 19, 20.

dum sit, non video, nisi per circulum argumenteris, excludi hic vniversales Constitutiones, quia illae etiam gentibus datae sint, de quo tamen est disceptatio. (5) Maxime autem evidens id est in Synodo Apostolorum Act. XV. in quo cum quaestio esset, an lege Moisaica vel tota, vel ex parte tenerentur, Ethnici Christo fidei sollemni constitutione tota lex illis remissa est, exceptis 4. rebus vitandis, non ex sua natura, sed ne Iudaei offenderentur nimis, quas ipsas etiam postea Paulus abolevit. Itaque, cum nihil hic de legibus quibusdam ad omnes pertinentibus, monitum sit, appareret Spiritum Sanctum optimum legis divinae interpretationem has leges ignorasse (a) (6) denique, quaecunque ad Positiva vniversalia praecepta referuntur, vel leges non sunt vel non vniversales. Quod iam ibo per iungula demonstratum.

*Es. contrarium definitur.
rit Synodus
Apostolica
Act. XV.*

10. Sic Leges esse non possunt, quae de Mariti in vxorem imperio, de Sabbatho, & Sacramentis sunt praecepta. In veteri quidem fœdere Legem particularem tulisse, vt, qui Israelita sit, & Sabbathum colat, & circumcisione atque Passah vtatur, adiecta etiam si secus fiat, pœna, non nego. Sed extra Iudaeos quemquam aut ante Legem latam aut post, huius legis auctoritate aut pœna fuisse obstrictum, nec Theologi omnes asserunt. Itaque nec mariti, qui vxori paret, nec Ethnico Deum quidem, vt Naamann, colenti neque tamen circumciso nec Passah vtenti pœnam statutam fuisse apertum est. Fatentur id mecum plerique, & exemplis, Abimelechis, Naamanni, Nebucadnezaris, &c. patere possit.

*6. Es species
Legum pos-
situm ta-
les non sunt.*

Evidentius idem est in novo fœdere, in quo ne mandatum quidem Christianae, genti de certa die ce-

lebranda, aut adhibendis sacramentorum symbolis praescriptum est, nec pœna sancita non vtentibus. Docet idem de imperio mariti ipsa sacra pagina, in qua si Abigail prudentissima fœmina ex hac (quam fingunt) lege excordi Nabali paruisset; numquam divinas laudes promeruisset. Scilicet laudat divinus Auctor, non quod primaevae legi repugnet, sed quod nulli. Nec verba Moſis (a) id volunt, debere voluntatem vxoris, parere marito tamquam domino, sed fore vt ob desiderium mariti, & dolores puerperiorum Maritus illi sit superior futurus; vt naturale potius malum, quam legitimam pœnam indicet. Neque enim id Deus hic, praecepit, quod, si omnes obsequerentur, innumeris familiis exitio foret, in quibus iustum est ac conveniens, mulierem prudentiorem, viro aut stupidiori aut valedudinario aut rerum suarum imperito & incurio imperare. Itaque non leges istae sunt, sed monita paterna, nec omnes obstringunt, sed hos modo, quibus ere sua videri possit, his præceptis obtemperare. Denique cum pœna nusquam sit addita, satis patet, leges dici non posse, quae in eo a monitis abeunt, quod leges puniant non audientes dicto, monita obsecuturis commoda ostendant, negligentes vero de naturali malo inde secuturo moneant, sin tale nullum subſit, vt saepe fit, ſileant.

In specie homicidii pena capitalis.

II. Eodem loco habendum esse, quod de *supplicio homicidae* affertur, dudum iam B. Meyfarrus (b) & Iustinianus Clemens (c) sive qui sub illo nomine latet Io. Chr. Langius Prof. Gießensis nec non Thomafius (d) Heni-

(a) Genes. III. 16. (b) Meyfarrths Erinnerung an die Regenten. (c) Iustiniani Clementis bedencken von Leibesstrafen 1698. (d) Thomaf. Diss. de iure aggratiandi.

Henichius (a) & Hannekenius (b) alique Theologi ac Iurecunſulti infiniti docuere. Nec obſcurum eſt animum advertenti, Deum Noacho hic loqui, non vt Legislatorem, ſed vt benevolum patrem, & argumentum ſermonis non eſſe ſanctionem pœnis munitam, ſed piam pavefacti Noachi conſolationem & providentem de conſervando humano genere curam, quod ob terrae fertilitatem diluvio corruptam, aetatem breviorẽ, diſſidia filiorum Noachi, & pravitatem Chami, difficilius ſe diffuſurum eſſe providebat Deus. Itaque, ne in ſterili terra, corruptis ſegetibus arboribusque victus deſit, Suadet Deus animalibus veſci, quod ante vetitum fuiſſe & peccatum habitum apparet. Ne autem ex libertate beſtias vivas, vbi uſus ſuaderet, necandi & Caini exemplo, cui Deus vetuerat pœnam infligi, fratres inter ſe diſſentientes ſe quoque interficere auderẽt, vbi forte ex uſu ſuo putarent futurum eſſe, non vetat homicidium Deus naturae lege iam vetitum, ſed minatur: ſe vindictam de homicida homine & animali, ſumturum, eamque praerogativam ſe tribuere homini prae brutis, quod ſolus ille ad divinam imaginem creatus ſit. Hanc autem non legem eſſe novam, ſed particularem comminationem pro neceſſitate temporis nativae legi magis inculcandae deſtinatam; dudum agnovere Ebraei Doctores, (c) & vel inde patet, quod Deus poſtea vindictam hanc conſpicuam in homicidia non exercuerit amplius, vt neminem latere poteſt ex communi experientia. Vt itaque aut nutare veritatem divinam oporteat (quod abſit cogitare)

(a) Ioh. Henichii Conſilium de diſpenſatione circa pœnam homicidii. (b) Phil. Ludov. Hannekenii Ius gratiae principis Chriſtiani in reos noxae capitalis. (c) Selden, I.N.G.L.IV. cap. I.

re) aut omnem sermonem non esse extendendum ad omnia, sed primum illud aevum, quo necesse erat homines denuo, per terras diffundi. Deinde, cum nulli illo tempore essent Magistratus, quibus legis cura poterat mandari, dubium non est, Deum nihil aliud velle: Nisi homicidas ex naturali vindicta ab aliis hominibus iure Goëlitico necatum iri; cum nolit, vt Caino fecisse constabat, amplius impunitatem cuicunque conciliare. Istud enim institutum vindicandi, mortem proximimi antiquissimum fuisse vel ex Caini elucet metu. Adde promissionem de vlciscendis etiam brutis, fatis ostendere, consilium potius hic esse de confirmando humano Noachi animo atque conservando humano genere, tum ob paucitatem facile delendo, quam de lege ferenda, aut pœna legis sancienda, quae vtraque in bestias vim non habet. Denique adiuncta de sanguine non comedendo Praeceptio, vt dudum ostensum ab aliis, non fuit lex omnestangens. Itaque nec, quod sequitur, eique coniunctum est, de homicidii pœna huc pertinebit. Et ne ea te vocula moveat: *qui humanum sanguinem effuderit (a) per homines effundetur eius sanguis*, sunt alibi similes (b) omnino locutiones, in quibus tamen nemo vim legis quaesierit. Sed, vt nihil dubitemus, ipse Deus (c) Dominis serum caedentibus, si aliquot horas super sit caelus, pœnam etiam civilem remisit, eoque ostendit, & haec verba & legem Mosaicam Num. XXXV. 31. 33. particularem fuisse, ad tempora accommodatam, ex civili autem causa mutatam, & remissam. Est igitur hic non lex, nec

(a) Non addam iam, hanc formulam Mosis illo aeo obscuram necessario fuisse, & serius forte natum eius vulgatum sensum. (b) Matth. XXVI. 52. Apoc. XIII. 10. (c) Exod. XXI. 21.

nec vniversalis, sed amantissima promissio Noacho peculiariter facta, & communiatio singularis, si quis eo tempore in legem naturae peccet, non ad alios pro-
tendendae.

12. Ineptius adhuc videtur arbor Vetita inter vni-
uersales Leges referri, quae monitum item paternum
videtur Dei, Homines tum leuioribus exemplis in fi-
de & obsequio confirmaturi, donec ita firma esset il-
lorum in bono voluntas, vt iam Angelorum est, iti-
dem libero arbitrio vtentium, & exercitio (si conie-
cturae locus) continuo in amando Deo eique obse-
quendo perfectorum. Neque enim Imperium domi-
natoris aut legislatoris semper vim atque poenas osten-
dentis, cum illa hominum puritate, atque Creatoris
amore convenit, nec ipsa verba aliud ostendunt: (a)
ne edas ex arbore ista, nec tangas illam, quacunque,,
enim die degustaveris illam, moriendo morieris.,,
Quae mihi idem sonant, ac si pater pusioni praecipiat,
cave ne degustes istud venenum, quam primum enim
illust gustaveris, morieris. Et nec impia, nec absurda
est illorum coniectura, qui in ipsa illa arbore natura-
lem homini inimicam, serpenti autem, inde se pascen-
ti, congruam vim infuisse perhibent. Accedit serpen-
tis cavillatio; *non moriemini*, quae docet Deum prae-
dixisse mortem secuturam, non comminatum esse, a se
poenae loco infligendam. Serpentem enim divinae
potestati obistere non posse, dubitare non poterat A-
dam. Vt itaque non lex Positiva, sed monitum fuerit,
lege naturae subnixum, ne hoc veneno se corrumpat
homo. Quemadmodum non lex, sed admonitio est,
quando Medicus nocituris herbis abstinendum esse
praecipit, subnixae definitione illa nativi Iuris, ne scien-

*Nec Arbor
Vetita.*

F

tes

(a) Gen. II. 16. 17. III. 2. 5.

res nos destruamus. Quae vulgo tum ex voce Moſis, praecepiſſe Deum, tum ex Hoſea, de Adamo ſœderis violatore huc adducunt, non ſtringunt. *Praecipere* enim vel ſexcenties etiam de monitis uſurpatur in ſacris, & *ſœdus* Hoſeae, non legem denotat, ſed commercium cum Deo promiſſionibus diuinis ſubnixum, quod Adamus reliquit. Quamvis alii ita interpretentur, ut Adami hic omnino negent fieri mentionem, ſed id velle Hoſeam: *Eos ſœdus deſeruiffe, ut homines ſoleant*, ſi velis largiri legem fuiſſe, non tamen propterea vniuerſalis eſt, cum, ut bene iam obſervavit Oſiander, (a) probabile fieri nulla ratione poſſit, eam perpetuam futuram, & ad vniuerſum genus Adamicum fuiſſe tranſferendam.

13. Reſtant itaque Polygamia, Divortium; & prohibita Coniugia, quae ſane omnia legibus contineri fateor, vniuerſalibus nego. *Polygamiam* & gentibus ex ratione & Iudaeis ex Moſis ſilentio Patriarcharumque exemplo certis conditionibus fuiſſe conceſſam, nemo facile poterit negare. Itaque quae leges de illa ſunt, particulares ſunt, non certae modo gentis, ſed perſonarum etiam. In novo teſtamento illicitam eſſe fateor, non vero ex lege (quam a Chriſto diſcipulis velatam eſſe nemo facile conceſſerit) ſed ex natura puritatis Chriſtianae & praeceptis doctrinae noſtrae; Divortia item Iudaeis permiſſa (b) Chriſtianis indigna magis quam illicita, cum iniuria quippe coniugis, leuitate animi, & offenſione aliorum coniuncta; Vtraque eiſmodi, ut nemini lege iniuncta ſint, nec olim, nec nunc; ut olim lege permiſſa additis inter Iudaeos certis ritibus (ut forenſem agnoſcas conſtitutionem) ut Ethnicis numquam.

(a) Oſiander ad Grot. I. B. & P. L. II. c. 2. ſ. 2. (b) Malach. II. 16; Matth. XIX. 8. Adde Celeb. Böhmeri Diſſ. de lure principis circa diuortia.

quam exprobrata, vt denique in nouo Testamento non noua lege humano generi prohibita, sed Christiana perfectione simplicitate fide & continentia indigna iudicata sint. De Gradibus prohibitis cum tota ista sit disputatio, non probant, esse Leges vniuersales, cum modo probetur, ipsis non vniuersos contineri.

14. Cum igitur nec promulgatum solemniter sit IVS, quod diuinum positivum vniuersale vocant, nec pœnis definitis munitum, nec diuina sapientia proderit, vt omnibus semper hominibus innotescat, nec iuste ab ignaris, legis observatio postuletur, nec vlla in S. Scriptura sit significatio illud ad omnes pertinere (a) nec etiam adductae eius partes hoc nomen sustineant, planissimum est, nullum id omnino esse, nisi forte Deus voluerit, obscuram & ignotam esse legem, vt eo certius violaretur. Quod cogitatu impium. Quibus difficultatibus occursurus celebratissimus Theologus & Philosophus, nostri seculi decus Ioh. Fr. Buddeus (b) repudiata Iuris positivi vniuersalis dictione *Leges hypotheticas* substituit, quibus teneatur homo certis institutis & beneficiis, si illis frui velit & possit, praescripto hac lege modo vt, cum ipsum Naturalis rationis Ius doceat, debere nos vti institutis ad nostrum commodum profecturis, modum vero legi hypotheticae relinquat. Quibus etiam hypotheticis Legibus Iura matrimoniorum & prohibita coniunctionis accenser.

Nullum itaque Ius positivum vniuersale.

Buddeus leges hypotheticas illis substituit.

15. Nec loci huius est, nec opus etiam, tanti viri per omnia per tentare sententiam. Non possum tamen quin conferam, quae nostrum negotium ex ea re tangunt. Si hypotheticas de Matrimonio cum proximis virando leges, ad omnes plane homines extendit, vt

Sed moment difficultates eadem.

F 2

ex-

(a) Quae enim de pœnis gentibus ob illas inflictis huc transferuntur, infra examinabo. (b) Budd. Instit. Theol. Moral. p. II. c. I. §. II. 12.

extendit auctor, eadem, quae in vniversali positiva lege sunt, manent difficulates. Vnde enim innotuerint hae leges gentilibus? Vbi illis iniunctae, propositae, promulgatae, explicatae traditae? Neque enim beneficium esse matrimonium cognoscere potuerunt Ethnici, quibus instinctus naturalis audit, nec ex eius natura potuere colligere, necessariam esse ad illud rite inendum certam legem divinam, nec conicere etiam vbi gentium talis sit investiganda; nec vsquam occurrit in N. T. mandatum, quo Christianis tota ea sanctio inculcatur, tamquam necessaria. Reliqua iam repetere dubia, cum vix dum sint exposita, non lubet. Iudaeis itaque solis Instituta haec de nuptiis hypothetica a Mose tradita destinataque sunt, & Christianis deinde etiam nonnulla eiusdem generis a Christo, Paulo, Petroque commendata, sed quae iterum Christianum nomen non excedunt.

16. Itaque fateor, donec meliora edoceant secus sentientes, vniversales positivas leges a Deo esse conditas, vix vero videri affine, neque tolli scrupulos, si hypotheticas eas appelles, & vniversis tamen obseruandas esse tradas. Quod vt porro in illa re, in qua noster sermo versatur, confirmem, dispiciam primo: an *Institutio primi Matrimonii*, deinde an *leges de Coniugiis Mosaicæ* vniversalem normam cunctis praescribant. His enim partibus omnia Iura divina hypothetica aut Positiva in rebus matrimonialibus contineri, vulgatissima est sententia.

Cap. III.

An Institutio primi Matrimonii legis vim habere possit?

I.

*Institutionem
vim legis.* Cum interrogamus, vbinam de *Ineundis coniugiis* divi-

divina lex expressa fit, primo loco ad exemplum primi Coniugii ab ipso Deo inter Adamum Evamque instituti provocant. Quod legis vim habere volunt, & eiusmodi exemplar esse, a quo qui discedat, violatae divinae legis reus sit.

2. Habent huius suae sententiae Auctores, non modo antiquam Ebraeorum Synagogam, (a) vno ore huc provocantem, sed ipsum etiam divinissimum Redemptorem (b) qui de Divortio interrogatus, mox adversarios huc remiserit, inde edocendos, quae inter Scholam Hillelianam & Schammacaanam de Divortiorum legitimis causis erant controversa.

*Quinam
tribuunt?*

3. Atque ne quid desit primae huic legi, ita eam explicant, ut non modo *Polygamias* & *Divortia* verari putent eo, quod duo non plures in vnam Carnem coniungendi dicantur, & vna caro non possit nec debeat rursus in duas dividi; sed coniugia cum Parentibus etiam prohiberi credant, verbis; *Vir relinquat Patrem Matremque*, id est, illorum consortia maritalia fugiat; cum fratribus vero sororibus ac cognatis affinitibusque proximis ne copuletur homo, cautum praeecepto, *ut vir mulieri adglutinetur, & coeant duo in vnam carnem*, cognatorum enim eandem esse carnem, cum qua non opus demum sit coalescere; Denique bruta contra naturam peccata, proscribi mandato, ut cum muliere, non fera aut bruto, aut masculo coniunctio fiat.

*Quomodo
explicent?*

4. Ingeniose ista dici, suaeque specie adhuc plerisque placuisse, dubitare nemo potest. Vereor autem, ut solide iacta sint totius sententiae fundamenta. Le-

*Sed Christi
mens fuit a-*
lia.

F 3

gis

(a) Vid. Selden, I. N. & G. L. V. c. 2. videntur tamen ista sententia Christi aevo fuisse ignota, cum ad illam Pharisei plane obmutuerint. (b) Matth. XIX. 4.

gis enim vim habere Institutionem, non video quid evincat. Christi enim sermo non id vult, sed potius illud vnum ostendit, divortiorum libertatem ob quamcunque causam a Mose demum introductam fuisse ad cavenda maiora mala a pertinacissimis Iudaeis metuenda, si inviti vxoribus adstringerentur; Cum Creator divortia numquam mandaverit, nec simplices ante Mosen, mores illa licentia facile sint vñ. Hinc natam eam esse ex pravitatem hominum, adeoque restringendam. Itaque (1) cum scopum Creatoris & exemplum antiquissimum adducit, non statim legem esse docet, (2) nec aliud volunt ipsius verba; quam cum nos subinde dicimus: *olim non erat sic*, provocantes non ad legem, sed morem antiquum deinde depravatum aut abrogatum. (3) Inprimis cum Christus non iuris legisque, sed virtutis esset Doctor, adeoque hic etiam responderit, virtuti, decoro, honestoque & antiquissimo tum Creantis consilio, tum Patriarcharum institutis adversari frequentia divortia. Legitimae enim prudentiae inter Iudaeos repugnare non poterat, ista divertendi consuetudo, cum Ius naturae nil hic definiat, Positiva autem Lex, si qua esset, omnino sublata esset, permissione divina, amplissima sane, vt vel Malachias (a) docet, nec ita, vt multis ex Schammacana disciplina videbatur, restricta. Sic nec hic, nec umquam, interrogatus etiam, de Iure, respondit Servator, quid Iuris, sed quid pietatis esset. Vt ex accusata adultera (b) & quaestione Phariseorum de vestigali Caesari pendendo constare potest, item ex negata de familia herciscunda commonefactione (c)

5. Quam-

(a) Malach. II. 16. conf. Deut. XXI. 14. XXIV. 1. (b) Ioh. II. 9. 4. seqq. (c) Matth. XXII. 17. seqq. 21. (d) Luc. XII. 13.

5. Quamvis autem maxime controversum sit, fuisse Christi mentem eam, vt Initia matrimonii divina, tanquam legem commendet, quod vnum communis sententiae fundamentum apud omnes videtur, sunt tamen alia etiam, quae huic opinioni vehementer obstant. I. Ipsa institutionis Verba, breviora & obscuriora sunt, quam vt ex illis possit, totum negotium confici. Caliginosae certe sunt illae consecutiones, quas nostri ex verbis institutionis deducunt; vt nemo nisi iam aliunde edoctus, in illas potuisset incidere. Quis autem Legem a Deo sapientissimo obscuram esse conditam dicat? quae nostris pedibus lucerna esse deberet. (2) Nec sunt quidem Dei omnia, quae ad institutionem referuntur effata. Nam illa: *Virum desertis parentibus, cum uxore in vnum coitutum*, Adami aut Mosis potius sunt verba non Creatoris. Quae Christus (a) dein repetiit, suaque fecit. Adamum autem legem ferre non potuisse certum est, nec minus probabile si Deus hic legem sancire voluisset, ipsum Adamo interprete aut vate (vt multis visum) non fuisse usurum; cui enim vates esset, aliis hominibus nondum natis, aut cur hoc praecipuum vnum ipsi inspirasset Deus, qui ipsi reliqua ore verboque omnia tradiderat. Sed ita fere usu venit, vt ad fictiones primas firmandas. Secundis subinde & tertiis opus sit fictionibus. (3) Quod si omnino Institutum esse a Deo Coniugium contendas, erunt animantium quoque & piscium coniugia, eaque rite a Deo sancita. Cum eadem ipsa a Deo dicta narrantur, quae homini? Cum vero

Cur Institutio neque a legis loco esset.

(a) Matth. XIX. 5. Marc. X. 7. Vbi verba ipsius Christi sunt, illa autem: & dixit: Evangelistae, narrantis, haec Servatorem addidisse. Alias discreparet a Mose, si hic Numini tribuerentur, quae Moyses suo aut Adami nomine narrat.

vero bestiis omnes denegent matrimonia, apertum est, nec homini aliud a Deo hic concessum, quam facultatem generandi seque propagandi. (4) Adde ipsum Paulum (a) ostendere, non hic agere verba Adami, de Legge futurorum connubiorum divina, sed de coniunctionis cum foemina naturali fine, scilicet copula carnis, cum scortatorem cum meretrice etiam conglutinari & vnam carnem fieri doceat. Qua alias locutione Mo- sis per miram detorsionem ad sola legitima matrimonia translata & polygamiam, & divortia & incestus tamquam armis Delphicis conantur profligare. (5) Quod si lex sit, sequitur non aliter instituenda esse, matrimonia, quam more Adami, id est a nudis (ne forte lateat corporis vitium) sub dio, tacente muliere, nemine praesente &c. nam in institutionum ritibus nil mutandum esse, qui hanc sententiam tuentur, affirmant omnes. (6) Eademque ratione necesse esse, ut quisque semper proximam cognatam, quae caro carnis eius sit, ducat. Ita enim primum institutum fuit connubium, ut Vxor ex Adami Corpore crearetur, non ex terra, & Adamus Causam arctae Coniunctionis eam afferret, quod esset Caro ex sua Carne. Qua ratione omnis ista disputatio extra oleas vagaretur. (7) Nec liceret ad altera vota transire prima Coniuge extincta, cum Institutionis Lex virum cum vna tantum coniungi praecipiat, de successione autem fileat, imo qui binas habuerit Coniuges (sive simul, sive vnam post alteram) dici non possit cum vna modo fuisse coniunctus; denique ex praecepto Theologorum, in institutionibus, divinis positivis nihil legitimum sit, quod non expresse praecipiat, quantum ad speciem negotii & circumstantias pertineat.

6. Haec

(a) I Cor. VI. 16.

6. Hæc si quis cum illis, quæ superius de vniversis Legibus positivis produxi, coniungat, nullam esse hujus legis Promulgationem solemnem, nullam de conservanda eius notitia tanta lege, tanto tamque & bono & sapienti legislatore dignam providentiam, nullam illius tamquam legis in omni S. Codice luculentam commemorationem denique nullam causam, cur Deus legi Naturæ vix homini inditæ hanc de novo adiceret, & quæ plura superius recensui, is facile mecum agnoscet, non Deo auctore (qui nihil de lege Adamo significavit iam ferenda aut lata observanda) sed ex pravo Verborum Christi intellectu, omnem hanc opinionem profluxisse.

7. Id vnum subiungam adhuc, cum vehementer rem nostram confirmet; non videri illos Deum non levitatis & inconstantiae accusare, qui in ea sunt opinione, Christum hic Iudæos a Divortiis permissis ad legem Institutionis alia omnia præcipientem remittere, adeoque Mosaicam Concessionem antiquare. Necesse enim est, vt statuant, Deum initio indidisse homini Legem naturæ, deinde surrogasse illi sanctionem Institutionis matrimonii, multos naturæ legis hiatus suppletem, mox tamen contra vtramque permisisse Coniugia filiorum Adæ, Abrahami, Iacobi, &c. quin & Polygamas & divortia, quæ etiam postea peculiari Constitutione ob malitiam Iudæorum vulgo & promiscue non concesserit modo, sed certis etiam ritibus, iuribus & actionibus munierit & probarit, tandem divinæ legis expositorem Christum docuisse, hanc concessionem primævæ legi repugnare, adeoque abrogandam esse, & tollenda divortia, etsi causa legis Mosaicæ, scilicet pertinacia hominum & malitia, illo ævo non fuerit minor. Ista si de hominibus dicerent, qui

*In dignum
esset Deo, co-
sues leges mu-
saffi.*

non omnibus horis sapiunt, ferri possent, tantam autem varietatem nulla nec levi eius causa ostensa, in rebus totum humanum genus complectentibus divinae bonitati, sapientiae & perfectioni, qui tribuunt, vix satis pie & vt decet, de tanti numinis Maiestate sentiunt.

Cap. IV.

De Legibus Levitici XIX.

I.

*Hæc Lex
vniuersalis*

Postquam de Primaeva Institutione vidimus, iam quoque de illa lege matrimoniorum vitandorum, quae per Moſen tradita fuit, est diſpiciendum. Hanc plerique omnes vtramque in noſtra controverſia abſolvere paginam, divinaque auctoritate ad omnes omnino morrales extenſa definire diſtitant, quae iure naturali ambigua ſint relicta. Quae quo merito tradantur, paucis iam lubet perpendere.

2. Qui itaque eam legem ad vniuerſos mortales trahunt, nituntur (1) Turba conſentientium per omnia ſecula, Iudaeorum, Theologorum Chriſtianorum, Iureconſultorum & Legiſlatorum etiam, qui fere omnes ad legem per Moſen Levit. XIX. datam provocant. (2) Quod Deus rationem legis addat vniuerſalem: Ego Dominus Deus Tuus v. 4, 5. 6. dicat: quicumque homo, hæc facturus ſit exacte, illum feliciter victurum. (4) Quod v. 6. vniuerſalis ſit formula Ebraea אִישׁ אִישׁ, Vir, Vir, id eſt, quicumque libet homo. Quod de omni mortali genere dici ſoleat. (5) Quod v. 22, 23. 24. 27. 30. it. Levit. XX. 12. 13. 14. illa, quibus hic interdicitur, abominanda & vitioſa dicantur, quae ratio ſit vniuerſalis, (6) Quod v. 27, 28, etiam Ethnici

ob

ob violatas has leges pœna narrentur affecti, id quod iniustum foret, nisi vniversale ius fuisset. (7) Quod v. 29. omnes animae ex sua gente extirpandae sint, quae has leges neglexerint. (8) Quod, contra hanc legem fratricidam aut patricidam uxorem ducenti, pœna constituatur non civilis, sed divina, vt sine prole decedat Levit. XX. 20. 22.

3. Sunt autem ista argumenta numero quam pondere maiora. Nam (1) vbi de iure divino maxime disputatur, nil valet numerus aut censentium aut errantium; lege divina perspicua & evidenti hic opus est. Nec tamen defuerunt vñquam tum inter Romanæ tum nostræ Ecclesiæ Doctores, qui mecum legem hanc ad solos Iudaeos pertinere putent, inter quos honoris causa nomino Lutherum, (a) Brentium (b) Melanchtonem, Bucerum (c) Sarcerium (d) Conringium, (e) Brucknerum, Thomasiū. Quorum testimonia partim iam adducta sunt, partim inferius adlegabuntur. (2) Quod Deum se Dominum vocet divinus Legislator, id non tam docet, cum omnium mortalium sit Deus, omnes hac lege teneri, sed ostendit potius, soloseum spectare Israelitas, quibus vnus hic loquitur, quibus nomine peculiari *Domini* voluit innotescere, quibusque praefuit vt Reipublicae moderator. Vnde etiam ista formula legibus particularibus forensibus vbique andiungitur, (f) quae tamen ridicule ad

Respondetur
his rationi-
bus.

G 2

omnes

-
- (a) Lutheri Epistola apud Bruckn. Decis. Iur. Matrim. p. 320.
 (b) Brentius in epistola apud eundem p. 288. (c) Vterque in causa Philippi Hassi ita sensit, de quo infra. (d) Er. Sarcerius Theol. Lipsiens. Corpor. Iuris Matrimon. (1558. fol. edit.) p. V. pag. 263. (e) Conring. Responso Iuridico apud Bruckner. l. c. p. 292. (f) Vid. Levit. XIX. 25. 28. 30. 32. XXI. 12. XXII. 2. 8. 30. XXIII. 22.

omnes gentes extenderentur. (3) Promissio vitae felicitatis, quam homo, qui facturus sit haec statuta, sit adepturus, non excedit gentem Iudaeam cui vni Lex ferebatur, nec ipsa in se verba, nec illorum repetitiones vsquam nos cogunt, ad omnes Adami posteros haec extendere. Etsi omnino producenda esse iubeas, sunt vniversalis quaedam inculcatio de seruandis omnibus diuinis sanctionibus naturalibus atque post latis, quibus omnibus cum parendum sit, nec haec statuta ab Ebraeis erant negligenda. (4) Dictio Ebraea, *quilibet-
cunque* nequaquam solis legibus vniversalibus iungitur, aut ad omnes respicit, sed in particularibus (a) etiam adest, & quemvis non hominum sed Iudaeorum denotat, vt exemplis patet. (5) *Abominanda* dicuntur, quaecunque ex lege Moysis vitanda & fugienda erant Iudaeis, non autem quae ex ratione communi vel Voluntate diuina vniversali per omnes gentes detestanda essent. Nisi forte caro sacrificii post tertium diem (b) comesta, certarum avium pisciumque, & suillae vsus (c) sacrificium vitiosi animalis (d) vestitus virilis in muliere, aut muliebris in viro (e) propterea cum omnibus erunt peccaminosa, quod in sacris abominabilia Iudaeis esse iubeantur. (6) Gentes autem Cananiticæ ob singula hoc capite interdicta ab ipsis patrata deleras esse, nusquam dicitur, sed omnia ista eis fuisse frequentissima, inter quae non omnia, sed postrema omnino detestanda sunt contra Ius naturæ facinora. Neque enim ob singula potuisse in eos animadverti, apertum est, quod inter illos constare non potuerit, pleraque hic recensita esse vitiosa & damnata Ab. 17. autem

(a) Vid. Numer. IX. 10. Levit. XV. 2. XXII. 4. (b) Lev. VII. 18. 21. (c) Levitic. XI. 10. 20. Esai. LXV. 4. LXVI. 17. (d) Deut. XVII. 1. (e) Deut. XXII. 5.

autem positione quae sequuntur, ea eiusmodi esse fateor, ut propter illa gentes iuste puniri potuerint, unde non frustra a veteribus Ebraei codicis collectoribus inpeculiarem cum v. 24. 28. sectionem praemisso signo ꝑ coniuncta videntur, ad quae postrema vitia sola excisionem Cananitarum pertinere recte iam observavit Grotius (a) sed de his forte sequenti capite commodius dicam. (7) Quod autem v. 29. dicatur, qui has abominationes fecerint, ex sua gente esse extirpandos, id nequaquam legem denotat universalem, fortasse nequidem semper poenam capitalem, sed diminutionem aliquam Capitis, aut privationem Iurium familiae atque civitatis. Alius enim si sensus foret, iniuste Deus (b) omnes infantes non circumcisos ex gente sua extirpandos iussisset, cum ea culpa non infantis sit, qui hinc poenam iure non potest luere. Ex quo etiam conspicuum fit, si vel maxime Capitalis ea poena esse debeat, adiungi tamen subinde legibus particularibus, qualis omnino erat de Circumcisione sanctio, ut & de vitando in Paschali celebritate pane fermentato (c) de non imitando oleo aut suffitu sacro (d) de feriis & quiete Sabbathi (e) de non comedenda carne sacrificii, (f) aut sanguine, (g) non mactanda hostia (h) nisi ante tabernaculum sacrum (i) de non profananda oblatione, de non negligendo Passah (k) nec omittenda immundi expiatione (l) quibus omnibus & aliis etiam adiuncta est, comminatio, qui secus fecerit, extirpandum esse ex sua gente. Itaque ista formula non desi-

G 3

gnat,

-
- (a) Grot. I. B. & P. L. II. c. 5. n. 14. §. 3. (b) Genes XVII. 14.
 (c) Exod. XII. 15. 19. (d) Exod. XXX. 33. 38. (e) Exod. XXXI. 14.
 (f) Levit. VII. 20. 21. 25. (g) Lev. VII. 27. XVII. 10.
 (h) Levit. XVII. 3. 4. 9. (i) Levit. XXII. 3.
 (k) Numer. IX. 13. (l) Numer. XIX. 10.

gnat, eiusmodi sanctiones toti humano generi latas esse, sed Iudaeis, ex quorum civitate secus faciens sit eiiciendus. Deniq; (8) quod ad fratriam aut patruum uxorem ducens, sine prole moriturus dicatur, ea male poena divina universalis esse creditur, sed Augustino (a) iam agnoscente, mere civilis fuit, qua constitutum, ut eiusmodi liberi illegitimi sint, non vero sancitum a Deo, ut talia Coniugia perpetuo sterilia essent. Neq; enim, si ista divina mens esset, responderet veritas divinae comminationi, cum & olim & nunc, non infœcundæ sint istae nuptiae. Aut itaque est concedendum, esse legem civilem forensẽ, poena civili munitam, aut etiam fides & Constantia divini verbi (si id vniuersis haec praecipiat) in dubium vocanda, quo quid impium & absurdum magis dici possit, non video.

*Est potius
Lex Iudaeis
solis partien-
laris.*

4. Quare, nisi me omnia fallunt, vana futilique subnixa est argumentatione illorum persuasio, qui Legem istam, de qua quaerimus, non solis Iudaeis, datam, sed omnibus ad vnum mortalibus propositam esse clamant. Sed ut minus dubitemus, legem hanc esse civilem, solis Iudaeis observandam, nostrisque legibus non praepo-
nendam, (vbi conceptis verbis ante me dudum sensere beatissima & summa ingenia Lutherus, Brentius, atque Conringius (b) suppetant & alia argu-
menta, si recte iudico, non contemnenda. (1) Pugna-
re videtur, cum prudentia Legislatoris quod paullo
ante lege poenali prohibueris, mox alia rursus iubere.
Id si in homine negari non potest, minus etiam con-
ueniet cum divina, id est summa, sapientia. Atqui
Lev.

*Quod statim
fit mutata.*

(a) Augustin. Quaestion. sup. Levitic. qu. 77. Consentit Arabus Fuldenfis Glossa Ordinaria ad Levitic. XX. 10. Iac. Bonfrer. & Corn. a Lapide ad h. l. Gerhard Loc. de Coniug. n. 263.

(b) Loca iam §. 3. initio citavi.

Lev. XIIX. v. 16. & c. XX. 2. gravissime interdicuntur nuptiis cum vxore fratris, quas tamen postea non ita multo, non toleravit Deus aut permisit, sed mandavit, iussitque, denunciata etiam non parituro nota infamiae & omnis successionis spe sublata (a) Itane mutabilis erit Dei voluntas, vt factum mox infectum, iussa iniussa esse constituat? Accedit ratio abrogationis, quod fratri improbi mortuo alia ratione nomen nullum in sua gente sit superfuturum, quae omnino civilis est. Cum itaque civili ratione Prohibitio ante lata mutata sit, necesse est, eam non moralem fuisse, sed itidem civilem. Neque desit in iure leviratus moralis illa causa (si doctores audias) vniuersalis sanctionis vetantis, scilicet affinitas. Num enim propterea levir fratriae minus erit affinis, aut vxor minus dicenda caro mariti, quod forte ex horum complexibus liberi extiterint nulli? cum tamen, qui cum meretrice consuevit libidine fere sterili, tamen vna cum illa caro sit, definiente D. Paulo. Sed ita res in vado est, si vtramque legem dicas esse politicam; & non iustitiam naturalem aut moralem, sed reipublicae Iudaicae tranquillitatem spectare, quae ferre non potuerit, vt liceat vxores fratris aut vi astute ab ipso avellere, aut mortuo ipso ducere, adeoque haereditates Natorum ipsius invadere; & contra providendum esse suaserit, ne vidua, fratre sine prole decedente expellatur ab haeredibus vacua & inops, sed lege hac de Leviratu ipsius victui atque honori consulatur. De quo in secutura dicam Sectione.

5. Facit (2) huc consideratio interdicti cum menstruata commercii, (b) quam sanctionem rationi subnixam esse, posteriori capite probabo. Hanc quamvis legi-

Idque ex
civilisatione
est.

(a) Deut. XXV. 5. & c. Ruth. IV. 1. Matth. XXII. 24. (b) Lev. XIIX. v. 19, Ezech. XXII. 10.

legibus positivis, quas vniversales dicunt, intersertam esse pateat, & ipsi olim Iudaei tanti fecerunt, vt patrem etiam, sicut nonnulli narrant, cui mutilus forte foetus nalceretur, quod cum immunda vxore eum rem habuisset opinarentur, lapidatione plectendum censuerint (P. Aerodius Rer. Iudicarum fol. 86. cit. Thomaf. Iuripr. div. L. III. c. 3. §. 75. not. l.) nostri tamen Theologi & Iureconfulti communiter aut neglexere omnino, aut plane particularem esse declaravere, subnixam (vt volunt) sola illa caeremoniali causa, ne quam ab vxore immunda labem sciens contrahat maritus. Sic enim non modo Seldenus in vtroque, tam de Naturae ac Gentium Iure, quam de vxore Ebraea huius praecepti nullam fecit mentionem, cuius exemplum, plerique Iuris naturalis & divini, sequuntur expositores; Sed multi illud expressis etiam verbis particulare esse cum Brucknero (a) definiunt. Vt ne addam, plurimis forte ipsa re non displiciturum, quod doctrina non damnetur, publica. Neque enim de his moneri solent a Sacrorum ministris, qui degunt in Coniugiis. Cum itaque hanc prohibitionem naturalibus causis suffultam communissime ad nostra officia referre non videatur necesse, evidens est, nec reliqua praecepta, quibus communis naturae ratio non subest, ad omnes homines necessario esse transferenda.

3. Coniugia
vetita non
tamen irrita
sunt

6. Transeo iam (3) ad illud momentum, quod multa hac lege interdicta sint coniugia, quae tamen, vbi iam coiverint, non dirimantur, sed tolerantur certa ratione. Iam si vniverso humano nomini illa lex foret data, & homines illa tenerentur tamquam homines, non tamquam cives alicuius Reipublicae, non haberet locum illa remissio legis, quae civilibus tantum

(a) Bruckner. Decis. Matrim. Procem. §. 64. p. m. 24.

tum negotiis convenit. Neque enim, quod homines facere vetuit Deus, vlli licere potest mortali, nec si factum sit, inprimis Deo non consentiente & dispensante, ratum atque legitimum fieri potest. Civili autem legi quae adversantur, illa subinde non dirimit lex, sed irrogata civili poena temeritatem violatoris vlciscitur. Iam vero Viduam fratris aut patrui ducere vetuit Lex connubialis Lev. XII. Idem tamen si fiat, Lex non dirimendum consortium iubet, Levit. XX, v. 20. 21. Sed civilem modo poenam irrogat, vt sine legitima prole sint. Itaque cum tolerantia legis civilis admittatur, & poena dictetur civica, non facile lex ipsa moralis esse possit.

7. Ad haec (4) obscurior est lex, quam vt ad omnes in illa ferenda respexisse videatur Deus. Nolo iam recensere motas de finibus legis lites, vtrum illi cognati, qui nominantur in lege, an illi gradus propinquitatum qui recensitis aequiparantur, interdicti sint. Nec addam, hodiernum ambiguum multis videri, vtrum v. 18. quaevis bigamia, an vero Coniugium cum binis simul sororibus vetitum sit. Sed illud vnum satis declarat, quam caliginosa sit lex, quod nec Iudaeis nec nostrae religionis hominibus conveniat, vtrum propinquitates affinitatesque etiam per stupra & Commercium non maritalia contrahantur, & an frater etiam sit, sororve, qui quaeve furtive fuit suscepta. Rectissime itaque in eadem quaestione, ita sentit Theologus pietatis & „conscientiae studiosissimus, Spenerus! (a) Vt prohibitioni divinae vix amplius eadem animi plerophoria „insistam, vix aliud me validius commovit argumentum, quam quod omnium simplicissimum est, a bonitate & sapientia legislatoris, quae vix ferant, vt

4. Lex alius, quam illius temporis Iudaeis obscura sit.

H

eius-

(a) Spener. Respons. Theol. Latin. p. II. p. 99.

„eiusmodi leges conscientiam obligantes aliis quam
 „clarissimis verbis exprimantur, quibus rationabile
 „nullum subesse queat dubium. Ista vero Legislatio,
 si civilem solisque Iudaeis propriam dicas, illis mox
 ex ratione morum statusque sui, & explicatione Mo-
 sis atque Iudicum, ab illo constitutorum dubia esse
 non potuit.

§. Quid ve-
 rit Israelis
 dispensatio-
 nis a lege.

8. Subiungo (§) quod inter Iudaeos ipsos summis
 reipublicae arbitris Regibusque in hanc legem, post-
 quam respublica ex Theocratia in Regnum erat mu-
 tata, aliqua potestas explicandi atq; dispensandi fuerit
 relicta. Sic Herodes (vt postea iterum monebo) fratris
 duxit filiam, suamque vicissim fratri Pherotæ elocavit,
 quin fratrem etiam sibi copulavit, quae tamen ex fratre
 filiam habebat, nil monentibus Iudaeorum Sacerdotibus;
 nec eius dona & oblationes respuentibus, quod vix fa-
 ctum fuisset, nisi eam potestatem Principibus suis con-
 cedi moribus receptis credidissent. Nec est, quod metum
 obstitisse putes, cum ea gens ita patrii moris avitae-
 que Religionis fuerit tenax, vt miraculo fuerit prox-
 imum, si nemo fuisset, qui vel leviter Regem monere
 fuisset ausus. Iam vero Herodes & Orthodoxus fuit
 habitus, & Iudaicae Ecclesiae etiam insignis tutor atq;
 ornator. Quin Davidis iam aevo ea videtur invaluisse
 opinio, vt Regi liceat, si necesse videatur, remitte-
 re harum Legum vim? Quid enim aliud voluit Tha-
 maris ad fratrem Amnonem vocula: (a) *appella Re-
 gem de me, qui Tibi me non negabit?* aur si his verbis
 putas eam protelare & eludere voluisse lasciva fratris
 postulata, cur stuprata ab eo discedere noluit, cur ex-
 pulsa hanc maiorem ignominiam dicit, quod ducere
 noller, quam illam, quod vim intulisset! Nisi spem

con-

(a) 2 Sam. XIII.

coniugii cum fratre beneficio patris Regis obtinendi habuisset. Cur David Rex iustissimus atque pietissimus ex Amnone pœnas non sumsit, aut ipse ob neglectum regium officium a Vatibus suis monitus non est? cur sororem consolaturus Absalon iubet illam minus aegreferre, cum frater sit vitiator? nisi constitisset, tales coniunctiones Iudæis ex sua natura non illicitas fuisse habitas, sed accedente Magistratus summi conniventia potuisse iniri. Nec ad rem facit, quod Alphonsus Tostatus Abulensis (a) ad explicandam rem assert, Thamarem fuisse Amnonis sororē quidem naturalem, non autem civilem, utpote ex Maachal Regis Gessuri filia adhuc gentili progeneratam, (b) quales Israelitico more pro sororibus fratribusve habiti non sint. Eo enim ipso, si admittatur, patet, explicationem legis, eamque sequentes gentis mores omnino respexisse non ad consanguinitatem sed civitatem, adeoque ad particularem huius gentis rationem hanc legem pertinuisse.

9. Si cui autem ista probatio longius videtur petita, illi (6) tandem præcipue obicio definitionem primi & Apostolici illius Concilii Hierosolymitani, in quo cum disceptatio esset, quid ex Lege Mosaica Gentibus observandum sit, nihil tamen de lege hac veritorum connubiorum fuit aut repetitum aut constitutum. Mota erat Antiochiae magna animorum commotione controversia, utrum Lex Mosaica Ethnicis, qui Christo nomen dedissent, esset observatu necessaria. Haec ut maiori auctoritate dirimeretur, Paulus & Barnabas Antiochia Hierosolymas mittuntur, & rem in Synodo Apostolorum atque fidelis cœtus proponunt. Tandem post varias disputationes Petro auctore consti-

Quod in Concilio Hierosolymitano istius legis vis a gentilibus omnino fuit seclosa. Act. XV.

H 2

tuit.

(a) Alphonsus Tostatus ad 2 Reg. XIII. qu. 4. (b) Vid. 2 Sam. III. 3.

tuitur, nihil omnino legis Mosaiicae ad Gentiles conversos pertinere; additur tamen Iacobo suadente; vt ab immolatis Idolo, sanguine, suffocatis & scortatione abstineant, ne offenderentur Iudaei, quibus lege Mosaiica, quovis Sabbatho praelegenda haec tamquam abominanda prohibeantur. Fit itaque Senatusconsultum, quo disertis verbis ista sola ex omni lege Mosaiica commendantur, nec vt divina praecepta, sed vt eiusmodi res, quibus qui abstineat, bene faciat, quae tamen si metus non sit, alios ea re offendi, pie honesteque satis (de scortatione si excipias) possint adhiberi, vnde Paulus etiam ab his legibus postea Conrinthios Galatasque immunes esse iussit. Iam vero nulla his fit mentio legum de nuptiis prohibitis atque incestuosis, quarum inculcatio, si Deus omnibus eam sanctionem tulisset, maxime fuisset necessaria, cum ex solo naturae lumine nil hic possit perspicui vt itaque gentiles non tangere pateat, cuius in decreto Synodali isto nulla fit mentio. Nisi forte hic per *scortationem* intelligi debeat. Coniunctio vitiosa, (vt mihi quidem videtur, & mori gentis convenit) cum vera scortatione, libido iure naturae iam prohibita, & lege Romana etiam turpis sit, adeoque opus non fuerit, ex Mosaiica lege eius prohibitionem inculcare. Sed ita quoque apertissimum est, hanc conventionem a Mose interdictam gentilibus per Apostolicam constitutionem dissuaderi, vt Idolothyta, sanguis & suffocata, vitandam, non quod in se voluntati divinae repugnet, sed quod Iudaeis detestabilis videatur, adeoque offendat animos illorum & in fratres ex gentilibus conversos incitet. Vnde etiam cum omni Mosaiica lege a Petro erat supervacua & ad Ethnicos non pertinere iudicata, a Iacobo autem patriorum morum (vt ex Epistola

ad Galatas pater) tenaciori post cum reliquis illis, a quibus maxime abhorrebant Iudaei proposita & commendata, non quod sanctitati vitae & amoris atque obsequio, quod Deo debemus, repugnet, sed quod cum amore proximi illo tempore non constaret, quo necesse erat, ut gentes non modo ad iussa divina, sed ad opiniones etiam Iudaeorum ex parte se accommodarent, ut eo felicius antiquissimum illud inter Gentes & Israelitas Schisma & odium possit deleri.

10. His omnibus rite perpensis si iungas, quae cap. II. contra omnes omnino Leges divinas positivas universales attuli, vix crediderim fore ut haesites amplius mecum consentire, eam legem non posse esse moralem & universalem, quae universis numquam fuit promulgata, nec si fuisset, ad posteros conservata, nec a Deo in veteri Testamento umquam ad gentes applicata, nec repetita in N. T. aut confirmata usquam, sed potius cum omni lege Mosaica abrogata & sublata; quae etiam, si ad omnes pertineat, obscura est, & nulla ratione subnixta, in Republica vero Iudaica utilissima, evidensque fuit, quae denique exceptiones, & dispensationes ex civilibus causis admisit, quin nisi fallor, potestati Magistratus fuit subiecta, saltem ut quae contra illam facta essent tolerari & rata esse poterint. Sed eiusmodi legem omnino civilem & Iudaicae genti peculiarem fuisse, reliquas autem nationes non magis attingere, quam quae Iudaeis in reliquis rebus forensibus, publicis privatisque fuere praecepta.

*Iudaeos
itaque non
excedit haec
Sanctio.*

II. Putant tamen non pauci, non posse has leges de vitandis certarum nuptiis non ad omnes transire, cum Deut. XXVII. 20, 21, 23. peculiariter maledicatur, his qui ad matrem, novercam, Sororem, nurumque libidinose accedant, non minus quam reliquis ibi da-

*Occurrunt
Obiectiones.*

I. Ex Mose.

mnatis & ex natura sua abominandis criminibus, sodomiae, parricidii, iniustitiae, termini moti, Imaginum cultus &c. Quibus proinde aequiparari debeat incensus. Sed res ipsa docet ista solis Iudaeis dici, non cuivis mortali, cum observatio totius legis Mosaeicae eadem maledictione inculceretur, quae certe numus omne hominum genus continuit. Ad haec enumerata vitia non maledicta haec meruere, quod gravissima essent, & in se maxime horrenda sed quod clandestina, ut adeo Deus hac ratione Iudaeos ab occultis etiam delictis voluerit retrahere. Unde vanum est, incestum hic ob gravitatem peccati locum invenisse. Tandem sermo est, de libidine abscondita, non vero de sollemnibus nuptiis; quales libidinosas & adulterinas consuetudines cum quavis, maxime autem matre, nuru sorore, iure naturae etiam damnatissimas esse nemo negat.

2. Ex Prophetis.

12. Nec denique me movet, quod nonnulli obii-
ciunt, esse vel inde planum, Leges de quibus loquuti
sumus, Levit. XIX. morales esse, & omnibus obser-
vandas, quod a Prophetis illarum transgressio summis
Israelitarum peccatis accenseatur; Sic Amos (a) inter
praecipua Iudaeorum crimina, quorum veniam Deus
nolit concedere, enumerare Consuetudinem patris ac
filii cum eadem muliere; Ezechielem (b) quoque In-
cestum cum matre, nuru, sororeque & libidinis cum
menstruata gravissimis delictis adulterii, parricidiique
aequiparare. Verum enim vero (1) Iudaeos his legi-
bus fuisse obstrictos apertum est, quas cum scientes
gravissime violarent & ludibrio adeo haberent ipsum
Legislatorem, non poterat non Deus in illos animad-
vertere. De Gentilibus autem Iudaicis ritibus non
ini-

(a) Amos II. 6. (b) Ezech. XXII. 10. XIX. 6.

initiatis nemo tale quid dici ostenderit. (2) Consuetudines ab Amoso taxatas, vt & stupra cum matre patre ve, aut cum sorore, nuruque eo ipso quod libidines sint, non coniugia, etiam in gentibus possent damnari, & pœnam incurrere, neque enim simplex scortatio libidinea, nedum quae cum tanta aliorum iniuria, & scandalo, vt crimina ista Iudaeorum, coniuncta sit, innata lege licita est, sed turpis & vetita. Itaque omnia illa iustissime, a Deo damnata sunt in Iudaeis, tum quod summam ostenderent libidinem, tum quod praeferatariam legis divinae ipsis propositae violationem continerent. (3) Quod denique de Commercio cum muliere impuritâte sua laborante afferunt, id, cum foedissimam ostendat voluptatem secuturo capite ratione etiam duce damnatum & peccaminosum esse, ibi demonstratum. Neque enim his diutius immorari, nec exemplum Rubenis aut alia eius fursuris si qua sunt, examinare iam opus videtur, cum ea omnia adulterium contineant, non incestum solum, eoque potissimum nomine vt detestanda notentur.

Cap. V.

Interpretatio legum Lev. XLIX, a Mose latarum.

I.

Quamvis luculenter me putem ostendisse, quae XVIII Levit. capite a Mose exposita sunt, nequaquam omnibus terrarum orbis incolis vt normam regulamque perpetuam esse praescripta, sed solis Iudaeis praecepta, & petita ex commodo & quiete civitatis & familiarum, non vero ex vniuersali aliquam morum aut humanae naturae ratione. Vt tamen omni ex parte huic disputationi occurrâ, ipsas huius capi-

*Leges hae
particulares
sunt.*

capituli

capitis leges recognoscam, vt ostendam, ex quibus fontibus singula sint hausta, & quidnam maxime velint, vetentue.

v. 1. 2.
*Reipublicae
Iudaicae.*

2. Loquitur itaque Deus per Mosén aeternae laudis ob fidem prudentiamque divinam Legislatorem Israëlitis, quorum reipublicae tum ipse Deus Regis principisque nomine praeerat, itinera, bella, praelia, leges, poenas, sacra, tributa, munera publica, & omnem publicae rei curam suo nutu & iussu administrans, & eapropter peculiare sibi apud illos nomen IEHOVAH tribuerat. Vt itaque solis Iudaeis haec dicta esse pateat, cum alii genti nulli nec Moses fuerit Legislator, nec Rex ipse Deus, nec notum divinum istud summae maiestatis nomen, quo Deus semper inter Israelitas suam appellavit & ipsis in memoriam revocavit auctoritatem.

v. 3. 4. 5.
*Alienarum
morum.*

3. Initio autem statim monet, iubetque ne sequantur Israëlitaec aut Exempla aut Mores nec Aegyptiorum, nec Cananaeorum, sed sua potius statuta, quae ipsis iam sanciat, observent, quae observaturi feliciter sint victuri & tranquille. Vbi vt reliqua habeamus explicatiora, attendendum est ad mores Cananaeorum & Aegyptiorum, quibus Iudaeis interdicitur, & deinde ad rationes, cur alia istis praecipiantur, quam inter has gentes moris fuerat. Distinguuntur enim instituta Aegyptiorum a Cananaeis, (quamvis vterque populus esset ex Chami, posteris) non modo v. 3. sed magis etiam v. 27. vbi Cananaeos ob sua crimina deletos esse inculcat, Aegyptia autem Instituta tanta poena digna fuisse non memorantur.

*Aegyptio-
rum.*

4. Aegyptii itaque nuptias cum sororibus & proximis cognatis celebrasse constat tum antiquissimo exemplo Iudis, quae cum fratre eodem partu edito

Osi-

Osiride iam intra materna viscera in tenebris corpus miscuerat (a) & postea ipsius in Regno, thoro, ac immortali gloria focia & Coniux fuit, (b) sed recentiori etiam Cleopatrae, cum fratre Dionysio coniugio iunctae. Ut itaque in ista gente tales Conglutinationes omni aevo licitae & frequentes fuerint. (c) Duxisse autem ipsos Matres suas aut filias neptesque, nusquam inveni, quamvis, qui id neget, ex antiquitate occurat nemo. *Cananaeos* vero non modo copulasse se omnibus promiscue cognatis, matribus, sororibus, posteris ex ipso, hoc capite elucet, sed indulgisse, etiam pessimis & detestandis libidinibus adulteriis, vitiisque belluinis, tum indidem discimus, tum constat exemplo Sodomaeorum, vicinarumque civitatum, quae ex eadem gente cum essent, iamdudum ante Saecula eiusmodi sceditatibus suum acceleraverant excidium. Aegyptiis autem ista Crimina nusquam nec adscribuntur, nec vel suspicione in illos possunt concipi, quibus Respublica erat concinnis legibus prudentissime ad lura nativa & communem usum constituta. Hinc obscurum non est, cur, cum utriusque gentis mores ex suo populo eliminet Dominus, solis tamen Cananaeis ut olim Sodomaeis poena divina sit immissa, non item Aegyptiis. Cum horum mores iure naturae non essent peccaminosi, ut illorum.

5. Hinc quilibet facile perspicit, alias hic contineri leges naturali ratione subnixas, alias solo usu & commodo publicae privataeque tranquillitatis fultas. Illas Cananaeorum criminibus opponi, has institutis Aegyptiorum, forte totius etiam eo aevo orbis terrarum. Cananaeos enim Aegyptiosque solos adducit

I

Le-

(a) Plutarchus de Iside & Osiride. (b) Idem & Diodorus Siculus L. I. c. 27. (c) Diodor. Sicul. I. c.

Et Cana-
naeos.

Et partim
civilis pru-
dentiae, par-
tim legi na-
turae imi-
tati.

Legislator, quod inter hos bina, & quod excurrit, secula habitassent Iudaei, illis autem & finitimi fuissent, dum in Aegypto hospitarentur, & iam illorum sedes essent occupaturi, vnde necesse fuit, vt horum populorum mores haberent perspectissimos, & illis etiam vulgo vterentur, nisi obstaret Legis prohibitio. Haec autem bina legum genera, non confundit Moses, sed caute distinguit, ita vt praemittat quae ratione sola vetita non fuerant, vsque ad v, 17. Deinde coniungat, quae ipsa, inter gentes etiam, naturali lege damnantur, & quae propterea divinam animadversionem in Cananaeos concitauerant.

*Poste nec
mul tate.*

6. Nec vacat iam, nec possum hic longius scrutari, vtrum omnes illae sanctiones, quae in isto de nuptiis vetitis Pandecto Mosaico occurrunt, vno tempore constitutae sint, an vero per varias occasiones placuerit divino Legislatori novas subinde pro re nata adiacere constitutiones. Posset tamen hoc postremum alicui non absurdum videri, cum in aliis legibus non omnia, simul definita, sed subinde poscente ita rerum varietate, novae subrogationes factae sint, (a) & nova etiam cap. XX. lege poenae interdictis istius capituli legantur definitae. Et veterum Iudaeorum (sive Masoritas facias auctores, sive alios antiquiores) distinctiones singulis a 6. ad 17. versibus adiectae alias inusitatae ostendant, latere hic causas distinguendi, quae quidni in diverso ferendarum harum legum tempore colloce? Illud saltem certissimum est, hos Iudaeorum Doctores antiquis traditionibus pressè inhaerentes omnes a 17 ad finem vsque leges coniungendas & a reliquis separandas esse censuisse. His etiam applicuisse poenas Cananaeis irrogatas, Iudaeis vero denunciatas; non item

*A Masore-
this certe dis-
tinctioe.*

re-

(a) v. g. Lev. X. 9. 10. XVI. 1.

reliquis illis legibus; cum posito ad initium v. 17. signo
 D reliqua omnia ad finem capitis eidem sectioni inclu-
 serint, seiunctis, quae praemittuntur.

Ad v. 17.
 valet ratio
 civilis.

7. Itaque cum a v. 17. vsque naturalis subsit pro-
 hibitio, quae praecedunt, cum innata lege vetita non
 sint, cur in Iudaeis damnarit Legislator, ex civili ra-
 tione erit definiendum. Populi enim salutem atque
 tranquillitatem tanquam summam legem quilibet sibi
 legislator proponit. Iam moribus Israelitarum so-
 lemnis *Polygamia* facillime turbis atque certamini-
 bus domesticis & collisionibus familiarum locum con-
 cedebat, accedente adhuc divortiorum licentia, & pe-
 culiari gentis pertinacia atque asperitate, quam ipse
 Christus, pientissimus atque divinissimus sospitator,
 inter causas legis Mosaicae recenset. (a) Docuerant
 porro frequentissima inter ipsos Iudaeos Aegyptiosq;
 procul dubio exempla, quantal incommoda afferant
 licitae familiarum consanguineorumque v. g. fratrum
 sororum, nepotum coniunctiones; ne itaque inter ipsos
 tales coniuges dissidia ex contemptu orirentur, connu-
 bia dirimerentur artibus necessariorum, filiorum, fra-
 trum, nepotum (quidvis ausurorum ut ipsi venustio-
 ri forte aut ditiori paullo coniuge potiantur, & hinc
 iurgia, simultates, divortiique causas interferentium)
 neve spes futuri matrimonii libidines domesticas & in
 se detestandas, & in dedecus ac exitium familiarum
 evadentes augetet & frequentiores redderet, omnibus
 hic artibus & cupiditatibus, quantum civili lege potest
 provideri, obex fuit oppositus, negata sublataque po-
 testate nimis propinquas sibi matrimonio adiungendi,

*Polygamiae
 respectus.*

v. 6.
 Hinc omni
 propinqua
 cur interdi-
 ctum.

8. Itaque primo in genere vetat Deus, Iudaeo-
 rum quemquam proximam consanguinitate ducere

vxorem, ne ex spe contrahendi olim matrimonii concederent feminae proximis suis libidinosae commercia, & ita mores populi effœminati fierent, libidines vagae, & familiarum primo contumeliae, mox odia inter consanguineos orirentur funesta, quale dirum vindictae genus ex simili causa olim ob viriatam Dinam sororem fratres eius in amicissimam ante Civitatem Sichemiticam exercuerant. (a) Huc enim praecipue respexisse istam legem, vel inde patet, quod C. XX. 17. sola lasciva tegendorum expositio & ostentatio inter fratres ac sorores ob metuendas in tanta familiaritate libidines morte sit punita.

v. 7. 8.
Cur Mater
noverca?

9. Et cum prudentiae sit, omnes casus, qui lege contineri debent, prout occurrunt, perspicue definire, exsequitur Deus per omnes partes hanc legem, & initio vetat nuptias cum matre aut noverca, addita etiam deinde (b) pœna capitali; tum ne adulteriis Rubenicis ex familiari conversatione foret locus, nec filius novercam formosam deperiens eam astu a patre deducat, sibi que iungat, quod in tanta polygamiae & divortiorum libertate facile potuisset fieri, tum etiam ne mater vel noverca filio iuncta iurgiis turbisque familiaribus ansam praebeat, si ob auctoritatem maternam asperius filio marito porro quoque velit imperare, aut exprobet ipsi, quae iuvenis peccasset, aut saltem non tanta prosequatur reverentia atque amore; quem puerum adhuc saepe castigasset. Accedente tandem, ubi fratres sororesque adessent, cum illis simultate, quod mater vnum reliquis praetulisset, & ex isto exemplo sollicitatione aliorum ad similes cum matribus novercisque maritationes, vnde frequentissima & certissima reipublicae disturbatio esset exoritura.

10. Se-

(a) Genes. XXXIV. 26. (b) Levit. XX. II.

10. Sequitur interdictio, ne quis sororem ducat
 vel germanam, vel consanguineam, vel vterinam, ne-
 quidem ex Iudaea ante nuptias susceptam a patre (ita
 enim videtur v. 11. defignitum, quamvis qui de Com-
 privigna, si intercedat novus partus, non ducenda
 locum intelligunt eandem possint admittere rationem)
 vt intercepta spe coniunctionis maritalis inter tam fa-
 miliariter viventes, & simul educatos obviam eatur
 infinitis libidinibus & familiarum probris (a) si legiti-
 mi tales possent coniungi, pertimescendis. Vbi ta-
 men natas ex muliere Ethnica non pro sororibus in ter-
 Iudaeos fuisse habitas, supra monui. Neque absonum
 fit, si quis ea ratione simul a Deo cautum esse credat,
 ne inter fratres de sorore forte elegantiori orirentur li-
 tes, vti Iudaei fabulantur, Abelem ex eiusmodi causa
 a Caine fuisse interfectum, quod formosorem soro-
 rem ipsi destinatum esse aegre ferret. Contra natas
 ex fratre aut sorore ducere non vetuit lex, quod illae
 cum avunculo Patruove non in iisdem aedibus nec fa-
 miliariter versarentur, vt cum fratribus solent soro-
 res, nec metus hic sit turbidi & instabilis coniugii, vt
 in coniunctione cum Matertera & Amita mox occur-
 ret; quod reverentia patruo avunculoque debita cum
 obsequio vxoris in maritum feliciter satis consistat.

v. 9. 11.
 Cur sorore

Non abtem
 filia fratris
 aut sororis?

11. Neptes ex filio aut filia eadem ex causa veti-
 tae sunt, ex qua filiae, ne cupiditatibus pravis an-
 setur. De Avia autem aut Pronepti nihil hic expres-
 sum, quod ipsa intercedente aetate prohiberentur con-
 iunctiones tam inaequales, in quibus legitimus sco-
 pus subesse nullus poterat.

v. 10.
 Cur neptes?

Non Avia
 aut pronepti?

12. Matexteris, Amitisque iungi prohibitum non
 minus erat, ne Coniugia inde invalescerent infau-
 sta

v. 12. 13.
 Cur Matertera
 & Amita
 mite?

atque instabilia. Cum eiusmodi vxores marito non modo annosiores, sed etiam, ob familiaritatem cum illo puero adhuc, auctoritatem, quam eiusmodi agnatis fere tribuimus, & prudentiae opinionem mulierculis fere, vbi paulo longius meminisse possunt, familiarem, imperiosae asperiores atque putidulae sint, Maritis vero liberum esset vxorem minus gratis moribus aut superducta alia negligere aut plane ab illa divertere. Itaque consultiissimum fuit, tales copulationes omnino e Republica proscribere. Cur vero de Avunculi Patruique cum nepte ex fratre aut sorore matrimonio idem non sit cautum, superius iam expositum est.

v. 14. 15. 16.
Cui vxore patruus, fratris, filius?

13. *Vxorem patruus, fratrisque, item nurum sibi domum ducere etiam vetitum est, ex communi ratione, ne; si id liceret, dolis artibusque malis dissidia divortiique causas inter Coniuges fereret, qui se in matrimonio successurum poterat sperare, aut suspicionibus inter necessarios locus esset, aut haereditates confunderentur, aut omnino frater fratri insidias strueret. Unde etiam postmodum peculiaris poena scripta est fratriam ducturo (a) vel patruus vxorem, ut nulli eius sint liberi legitimo censu, nisi improles decessisset frater, tum enim, ne vidua deserta bonisque exuta male haberetur aut plane eiiceretur, frater sive proximus agnatus, si haereditatem vellet adire, viduam etiam quamvis deformem ducere lege iubebatur sin detrectaret, & haereditatis spe excludendus & ignominia etiam notandus. (b) Ut appareat omnibus istis sanctionibus civilem prudentiam inesse.*

Fratre autem sine prole decessisse aut coactus heredes viduam ducere?

A. v. 17.
suis proce-
pta iuris no-
turae.

14. Huc vsque cum ex humanae tranquillitatis & commodi rei familiaris atque publice omnia sint de-

du-

(a) Levit. XX. 20. 21. (b) Deut. XXV. 5. Ruth. IV. 11.

ducta, iam a v. 17. ea sequuntur quae non modo civilem non admittunt rationem, & pugnant cum utilitate, sed quae naturaliter etiam damnantur ratione. Sic vitiosae & detestabiles sunt nuptiae, quae cum matre & filia simul ineuntur, cum nulla alia causa quam foedissima libido, nunquam non inhonesta & damnanda, subesse possit atque ira nefandae voluptates impune grassari possent, si liceret matri filias superinducere. Et si enim sola ratio non possit cognoscere, illicita esse matrimonia cum binis simul uxoribus inita, nec filias ducere ex illius praescripto illicitum sit, id tamen facile perspicit, iniustum fore eodem thoro filiam cum matre complecti, mox cum iunior fere & voluptatibus opportunior sit, matri senescenti praeferendam, cui filia reverentiam potius & obsequium praebeat. Turpe etiam libidinosum atque detestandum facinus, cum natis vxoris suae consvescere, & dein adulteriis istis, coniugii honestum nomen obtendere. Quibus rationibus accedit, quod perpetua futura sint inter matrem filiamque dissidia, cum ista a communi marito matri sit aequata, illa autem maternam in filiam auctoritatem & potestatem non sit depositura & aliis etiam aut filiabus aut parentibus eiusmodi exemplo cogitatio sit subnascitura, idem tentandi. Notatur proinde & prima in hoc capite haec Coniunctio nefasta dicitur, & postea nova lege rogo adiudicati sunt, (a) qui contra illam peccassent, in quo ista polygamia Sodomiticae bestialitati aequiparatur.

v. 17.
Ne matrem
& filiam simul habeas.

16. Quod sequitur de fugiendo congressu cum femina muliebri laborante infirmitate; id plerique ita negligunt, quamvis reliqua omnia ad totum humanum genus perperam referant, ut solis Iudaeis mandata-

v. 19.
Nec monstrum
ata uteris.

datum esse credant, quibus ne tangere quidem immunditiae sua laborantem mulierem (a) licuit. Mihi autem contra eiusmodi ista videtur sanctio, ut naturali ratione eam observare teneamur. Rem enim habere cum muliere aut inepta ad sobolem generandam, aut ex qua vitiosa & veletudinaria sit metuenda proles, pugnat cum legitimo scopo, quem habere oportet, qui liberis operam dat. Vtrumque hic iusta suspitione esse verendum, ex Medicis praeceptis non est obscurum. Accedit mulieris immundities, & sollemnis illis eo tempore a Venere alienatio. Quibus omnibus postpositis, quem non pudet libidines suas exercere, nae is naturali iure spurcissimus sit scortator, etiamsi cum vxore agat, cum non prolis cupiditate, nec extinguendae libidinis, sed eius explendae, & ipso usu magis incendendae causa faciat. Hinc nova postea lege (b) Deus, Viro & mulieri eiusmodi tempore se iungentibus poenam indixit, ut deleantur ex sua gente, & per Ezechielem (c) etiam summis criminibus, natura sua detestaudis annummeravit commercia cum menstruata.

v. 18.
Ne iuvitas
vuxori soror
superducatur

15. Nec minus naturali iure vetitum est, quod v. 18. prohibet, vxori suae reluctanti, aut omnino ut eam vras (vtrumque enim ebraea significat dictio) sororem super inducere, cum id aperte pugnet cum fide atque amore coniugali, & sorores capitalibus odiis inter se committat. Inter Sorores enim coniugio eidem copulatas quantae possint exoriri disceptationes & offensiones vel Iacobi exemplo poterat constare, & fuisse, cum Polygamia esset permessa, sollemne, vxori forte morosiori aliam priori inimicam superaddere, dubitare nemo potest,

(a) Levit. XV. 19. (b) Levit. XX. 18. (c) Ezech. XVIII. 6. XXII. 10.

potest. (a) Itaque praeter scopum videtur omnis illa disputatio, vtrum de quavis vxore, an de sola sorore sit sermo, vtrum mortua prima sorore liceat alteram ducere &c. Cum tota lex polygarniam respiciat, qua sublata cessat etiam legis usus. Quod inferius (b) variis auctoritatibus exemplisque firmabitur.

17. Tandem *Adulteria*, & Peccata Sodomitica quævis proscribuntur divina lege, atque damnantur, addito etiam cap. XX. gravissimo supplicio. Quæ cum naturæ humanæ iustæque rationi quam maxime adversari nemo neget, non opus est, his multum inhaerere.

v. 20. 23.
Ne adulter o
bestialitate
&c. se pol
luat.

18. Subiungitur tandem divina in Israëlitas comminatio, fore, si his detestandis sceleribus se polluant, vt terra eliciantur, & ex gente sua extirpentur, cum ob eiusmodi facinora Cananaei gravissimam divinam vindictam incurrerint. Quod qui ad omnes has leges transferunt, vim inferunt sensui legislatoris, & iustitiæ divinæ, quæ non potest punire in gentibus, in quo nesciverant se peccavisse, nec potuisset & Aegyptiis parcere, quibus, vt supra est monitum, pleraque ea fuere solennia, quæ, primis ad v. 17. legibus sunt prohibita. Patet itaque, nihil hic dici detestandum, nisi proxima illa a. v. 17. naturæ lege damnata delicta, quæ (ni fallor) eam quoque ob rationem vna sectione a præcedentibus seiuncta per Auctores vetustissimæ Codicis distinctio nis comprehensa sunt.

v. 24. ad flu.
Erit subiunga
tur Commu
natio panes.

Cap. VI.

*Ostendit consensum Ecclesiæ Christianæ & Doctorum,
per casus omnes lineæ collateralis.*

1.

Cum ea sit humani ingenii perversitas, vt vbi rationi-
K bus

*Auctorita-
tes cur neces-
sariæ sint t*

(a) adde Genes. XXXI. 50. 1 Samuel. I. 6. (b) Cap. VI. § 12.

bus res conficienda est, auctoritates poscat, contra, ubi ad unam auctoritatem esset respiciendum, ratiunculas fere circumspiciat; facile praevideo, multis ideo displicituram meam sententiam, quod novam putent, atque magni momenti nominisq; auctoritatibus contrariam. His ut etiam consulam, enitar iam per singula ostendere, fuisse iam dudum, qui nuptias proximorum, non omnino damnandas habuerint, sed tolerandas saltem, Christianos Doctores magni nominis, quin integras gentes Christi cultu institutas. Cum vero Coniugia cum matribus aut filiabus nemo facile hodie sit tentaturus, de his quoq; non ero iam sollicitus. In reliquis moneo, quae adducuntur auctoritates, non mihi rationum loco esse, sed ne inauditi quid videar protulisse, non ignarus longe numerosiora pro adversaria sententia posse reperiri exempla & testimonia cuiuscunque ævi, cum primis quoque Christianis (ut de primis hominibus ait Augustinus) (a) factum licitum etiam horreretur, propter vicinitatem illiciti.

Confusus in
nuptiis cum
Novercam.

2. *Novercam* ducere superius dixi Iure naturali divinoque non esse prohibitum, nec in eo peccasse Corinthium illum, sed adulterum potius fuisse, & civilis legis violatorem turpissimum. Iam Scotis quoque diu postquam Christo nomen dedissent, tales nuptias fuisse in usu, nec ante, Sec. XI. abrogatas esse docet Seldenus. (b)

3. *Sororis* amorem coniugalem, siquidem iam in verum coniugium coierint, & ipsi coniuges putent tranquilla mente posse se invicem porro uti, non, ut in ætas oportet nuptias, dissolvendum esse, sed tolerandum & permittendum dudum censuere. Witebergenses,

(a) Augustin. de Civit. Dei. L. XV. c. 16. (b) Selden. I. N. & G. L. VI. c. 11. p. 634.

fes, (a) Bechſtadius, (b) Ioh. Muſaeus, (c) Carpzovius, (d) illuſtris Lynckerus, (e) & forte etiam Grotius. (f)

4. *Sororis filiam* vxorem ducere non improbavit ^{Enigm.} _{lia.} modo, ſed ſuaſit etiam Marquardo Schuldorpio inter primos Slesvici Reformatæ doctrinae praecones inſigni viro, vir beatiffimus Lutherus, & peculiari epiſtola (g) defendit, ſubnixus exemplo Abrahæ, & quod lex Moſaica civilis eſſet, iuſto autem lex nulla data ſit, qui ex ſola fidei *πληροφορία* omnia debeat metiri. In pari cauſa Iacobo Bonero conſultus reſpondit, (h) eam cauſam ad Theologos non pertinere, ſed ad Iuriſperitos, ſe vero, ſi privatim, vt ſoleat a conſtitente miniſter, conſulatur, non diſuaſurum, publice vero numquam ſuaſurum, ne legis civilis praevaricationi & licentiae morum patrocinetur. Nec alia alibi Lutheri mens fuit; (i) Brentius. (k) quoque ſummus Theologus, haec coniugia Iudæis olim licita Caefareis modo legibus ait vetari. Eadem fuit ſen-

K 2

ren-

- (a) Apud Dedekenn. Conſil. & Reſp. Vol. III. Lib. 3. Sect. I. h. l. 2. n. 2. p. 265. (b) Bechſtad. Collect. Iur. Connubial. p. I. c. XI. n. 18. (c) Muſaeus de Coniug. Theſ. 119. (d) Carpz. Iuriſpr. Conſiſtor. L. II. tit. V. Def. 83. n. 13. & tit. VI. def. 99. Idem Iuriſpr. Forenſ. p. IV. Conſtit. XXIII. def. n. (e) Lyncker. ac Struv. Syntagma Iur. Cicil. tit. de R. N. §. 38. id. ad Locameri inſtit. L. I. tit. 10. de nupt. (f) Grot. de I. B. & P. L. II. c. 5. §. 10. 12. (g) Vid. Marqu. Schuldorps *Schriiven an de Elſovigen der Stadt Ryl. 4. 1528. It. Grund ende Dorſackten/ worup Marq. Schuldorp heſt ſien r Güſter Dochter tor Ehe genommen/ benennet dorch Ehren Nicol. Ambſdorff Licentiaten/ unde Ehren Mart. Luththerum Doctorn in der hiſſigen Schrift. 4 1529.* cui vtrique ſcripto Lutheri inſerta epiſtola. (h) Qua in cauſa Lutheri reſponſum ex Archivo Hennebergensi exſcripſit Hier. Bruckner, Decif. Matrim. c. 6. p. 319-321. (i) Vid. T. II. Altenb. p. 210. b. T. V. Alt. p. 391. T. V. Ieneniſ. p. 256. (k) Brentius de Coniugio c. 2.

rentia Theologorum (a) ac Iureconsultorum (c) Helmstadiensium, & Rintelsium, (d) quorum placita secutus Elector Brandenburgicus Fridericus Wilhelmus Iustissimus ac sapientissimus Princeps concessit, confirmavitq; (e) tales nuptias. Nec Conringius vir summus, nec Carpzovius (f) hic subscribere dubitant, cum re non amplius integra videretur iniustum ob sententias doctorum divortii imperare necessitatem. Sunt etiam illustria huiusmodi coniugia Philippi II. Regis Hispaniarum cum Maria Austriaca, Philippi IV. cum Maria Anna Austriaca, Leopoldi Imperatoris cum Margaretha Theresia Hispana, qui omnes sororum filias duxere toto terrarum orbe congratulante.

*Cum fratria,
consensus Iu-
daeorum.*

5. *Fratris viduam* ducere Iudaeis certa conditione erat mandatum, si sterile fuisset coniugium, aliter autem prohibitum. Herodes tamen, repudiata priori vxore Aretae Arabum Regis filia, duxit Herodiam, ante fratri Philippo nuptam, a quo etsi ex ipso filiam Salomen habuisset, perfide diverterat Herodias (a) Neque tamen legitur, Iudaeorum Sacerdotes eapropter aut monuisse Heroden, aut sacris arcuisse, cum illis posset esse persuasum, pro ea, quae tum valebat divortiorum atque polygamiae impuni licentia, licuisse Herodi tanquam

-
- (a) Quorum Responsum 1668. 9. Aug. scriptum avert. Bruckn. Dec. Iur. Matr. c. V. p. 290. seqq. (b) Horum Responsum habet Sam. Stryck. not. ad Brunnern, Ius Eccles. L. II. c. 16. §. 22. pag. 619. (vet. edit.) (c) Referente Drosenario diff. inaug. ad dictum: non Moechaberis, praeside D. Bern. Schultzen habita, Thes. 8. (d) Drosenar. l. c. (e) Eius Responsum 1668. 5. Aug. exaratum habet Bruckn. l. cit. pag. 290. (f) Carpz. Iurispr. For. p. IV. Constit. 23. def. II. (g) Vid. Ioseph. Antiq. Iudaic. L. XII. c. 7. (alii 9.) & II. Adde Biblia Vinaricensia Ernestina ad Matth. XIV. 4. Marc. VI. 18.

quam Regi lege civili de non ducenda, vxore fratris se exsolvere. Iohannes vero increpavit acriter & animose Regem adulterum, & Coniugii fraterni dolosum diffractorem, non quod species deesset, facinori obtinenda, sed, quod diuinus iste vir altius penetraret, quam vt vana specie oculos sibi pateretur obitringi, facile animadverteret, repugnare naturali legi, alii cuicumque nedum fratri vxorem abducere, licet interveniat civilis divortii solemnitas; Itaque in eo magis peccasse Heroden, quod adulterium, commisisset, quam quod cum fratria.

6. Inter Christianos etiam non inauditum est cum fratria matrimonium. Anglis Livonisque, cum primum fidem acciperent, permixta fuisse a Romano Episcopo constat (a) nec desuisse inter Scotos ante seculum XI. (a) In Aethiopia autem (in qua primae Apostolicae Ecclesiae ritus adhuc obtinere vulgata est persuasio, nec vana forte, cum, more primae Christianae religionis infantiae solito, & circumcisio & alia ex Mosaicis institutis observentur) itidem valere nuptias cum fratria & succedere fere fratrem, fratri in Coniugio, docuit Danhauerus, (a)

Christianis antiquorum,

7. Nec desunt recentiora & illustria exempla ubi aut Romanus Pontifex aut celebres Theologi vel integra omnino Consistoria & Academiae assensere. Sic in Lusitania priori adhuc seculo Maria Francisca Regina auctoritate Papali divertit ab Alphonso VI. Rege eiusque fratri Petro nupsit. In Polonia Rex Iohannes Casimirus defuncti fratris Vladislai IV. viduam Mariam Gonzagam duxit, non minus suffragante Ro-

Es recentiora.

K 3

ma-

(a) C. Deus qui Ecclesiam suam extra de Divortii. (b) Selden. I. N. G. L. V. c. XI. p. 634. (c) Danhauer. de Eccles. Aethiop. c. 5. fin.

mano Antistite. Et, ne ex Augustanae Confessione addictis, exempla defutura putes, Ludovicus XVI. Comes Oettingensis anno 1566. adscivit in Matrimonium viduam fratris sui Lothi, Claudiani ab Hohenfels, consentiente omni Confessu Cleri Oettingensis, cuius exasciatum, pro tempore, responsum post in communem usum fuit publicatum. (a)

Temporis.

8. Maxime autem agitata est haec Controversia, cum Henricus II. Angliae Rex fratris Arthuri viduam Catharinam sibi vxorem copularet. Nec iam attinet enumerare dissidia doctorum, & turbas ab Henrico tum in contrahendis his Nuptiis tum in dissolvendis deinde motas. Adeat, cui volupe est, Sleidanum, (b) & diffusius si cognoscere cupit, Burnettum. (c) Id vnum addam, esse hoc coniugium ab omni Schola Lovanienfi, (d) ex nostris, a Luthero (e) (qui legem de ducenda fratris vidua adhuc facile suadendam ait, (f) & ab Adami aevo deducit, (g) subnixus exemplo Thamaris) (b) & Melanchtone. (i) Novissime etiam, Orthodoxiae nomine Celebratissimus I. Fr. Mayerus (k) huic sententiae aliqua ratione, quod ita si mariti fra-

tri

- (a) Extat in Streit-Schriften und Actis des Oettingischen Colloquii p. 72. seqq. (b) Sleidan. de statu relig. sub. Car. V. Lib. IX. anno 1534. (c) Burnet, Hist. reform. Angl. p. 2. n. 35. adde Jac. le Long en l'Histoire du divorce d'Henri II. & Catharine Paris 1668. (d) Conf. Bruckner, Decis. Iur. Matr. c. V. p. 273. 281. &c. (e) Apud Sarcer. Corp. Iur. Matr. p. V. p. 293-296. (f) Luther, T. III. Altenb. p. 235. b. wie sich die Christen in Mosen sollen schiden. (g) Luth. T. IV. Alt. p. 235. b. T. VI. Alt. p. 433. T. IX. Alt. fol. 1188. b. adde Sarcer. l. c. p. II. pag. 263. (h) Genes. XXVIII. 8. 11. 26. (i) Apud Sarcer. l. c. p. V. p. 290-293. & in responsis ac Consiliis Melanchtonis editis a Pezelio p. 1. p. 228. (k) Mayer. Diss. de Grad. prohibit. c. 7. §. 7. 8.

tri tradatur, miseræ viduæ succurratur, subscribi posse definiuit.

9. *Patruī Viduam* vxorem habere non illicitum pronunciauit Lutherus apud Sarcerium, (a) cuius etiam atque Melanchtonis, Brentii & Iusti Ionaæ suffragia in alio casu affert Brucknerus. (b)

Cum Vidua patruī.

10. *Uxori ab Avunculo* relictæ rite iungi posse nepotem ex sorore, pronunciauere olim Scabini Ienenses, (c) & consentiunt Cocceius, (d) Lynckerns, (e) atque Carpzovius. (f) De *Patruī magni vidua* idem iudicauit Meuius. (g)

Et Avunculi.

Atque Patruī magni.

11. *Fratris filiam aut neptem* nec Mosaica lex prohibuit ducere, vnde Herodes (b) nepotem ex fratre duxit, suamque vicissim filiam tratri Pherotæ elocauit. Nec primis Christianis fuit improbatum, cum nec Canonibus vulgo Apostolicis dictis (i) (qui saltem Seculo VI. compilati esse perhibentur) alia his coniugiis censura ecclesiastica addatur, quam vt ineptos reddat obeundo muneri ecclesiastico; & ab Imperatorē Heraclio concessæ sint, quæ antea prohibitæ fuerant, tales nuptiæ (k) Consentit Lutherus (l) Conringius (m) & Klingius (n) & quotquot superius in ducenda ex-

Cum fratris filia aut neptis.

foro-

(a) Sarc. Corp. Iur. Matrim. p V. fol. 304. 305. Lutheri esse, cum nomen desit, docet Bruckner. Decil. Iur. Matr. c. V. §. 6. n. 3. (b) Bruckner. l. c. & p. 288. seqq. (c) Apud Bruckner. l. c. p. 290. (d) Coccei. Consil. c. 3; tot. & c. 6. conf. 23. (e) Lyncker. disp. de Dispens. Matrim. thes. ult. (f) Carpzovius Iurisprud. Consistor. I. II. tit. c. def. 20.

forore nepote advocavi, cum in utroque par sit ratio.

*Cum sorore
vixisset.*

12. Non quidem intricata magis, magis tamen celebrata est de *uxoris sorore* sibi coniuganda disceptatio, iam Sec. XVI, nata, cum Sigismundus Augustus Rex Poloniae tertiis votis sibi primae Coniugis Elisabethae sororem Catharinam Ferdin. I. Imperatoris filiam iunxisset. (a) Iam veroter intra medium seculum mota & contentiosius est agitata. (1) cum Augustus Philippus Dux Slesv. & Holsatiae & Lineae. Beccensis Caput mortua coniuge Clara, Antonii Comitis Oldenburgerensis filiam Sidoniam sororem ipsius 1649 duceret, pugnante acriter contra hoc Coniugium Mich. Havemanno Antistite Bremensi, & Aegid. Strauchio Theologo non obscuri nominis, defendente contra Icto Rinteleni D. Christophoro Ioach. Bucholtzio. (2) Cum Alb. Ernestus, primus Princeps Oettingensis 1682. prioris Coniugis Christinae Fridericae VVürtembergensis Principis iam ante VIII annos defunctae sororem Eberhardinam Catharinam sibi desponsaret. Vbi certe tantam in conquirendis variarum Academia- rum, & celeberrimorum Divinae humanaeque legis diligentiam adhibuit Celsissimus Princeps, instituto post peculiarieriam colloquio Oettingensi, & editis responsis actisque, (b) ut maiorem vix potuisse videatur. (3) cum sub initiis huius seculi Götzius Praecoverbi divini Quedlinbörgensis idem sequeretur consilium, varie denuo publicis libellis fuit disceptatum, qua in Con-

(a) Vid. Anton. Mariae Gratiani Vita Cardin. Commendon. L. II, c. 17. 18. 19. cit. Hért. Opuscul. T. I. pag. 430. (b) Vid. Streit-Schriften/ Responsa, Gutachten und Acta des Colloquii Oetting. über die Ehe mit der Frauen Schwester. Edita iussu principis, in 4.

Controversia praecipue Frid. Ern. Kettnerus (a) contra Görzium depugnavit, quam feliciter; meum iudicium non est.

13. Sed in canonibus Apostolicis (b) iam huius <sup>Consensu
veteris eccle-
siae.</sup> connubii fit mentio, ita quidem, vt Clerici dignitate priuent maritum cum binis ex Ordine Sororibus iunctum, non autem in aliis damnent. Et 4to seculo Honorius Imperator duas Stiliconis filias, vnam post alteram sibi coniugavit. (c) Nec veritus est eodem fere tempore Diodorus, Tarsensis Episcopus, de Ecclesia suo seculo optime meritis: eiusmodi coniugia palam concedere, reprehensus & confutatus propterea a Basilio Magno, (d) sed non magni ponderis argumentis.

14. Posterioribus temporibus, ex nostris suum addidit Calculum Lutherus (e) & Brentius, (f) quos fere ubiq; sequitur Erasmus Sarcerius (g) Theologus Lipsiensis, primus inter nostrates, qui de lure Connubiorum commentari fuit ausus; Assentiunt Wittebergenses, (h) & Summus Ictus (antequam Pontificiis se iungeret) Tubingensis Besoldus (i) nec non Kitzelius (k) & Brucknerus, (l) imo Grotius (m) atque Scherzerus. (n) Denique Spenerus (o) vir, siquis alius, scrupulosissimus, ita se hic faterur fluctuare, vt, si fides de

L

tu

(a) Scriptum prodiit 1707. 8. (b) Canon. 19. (c) Zosim. Histor. L. V. Zonar. Annal. p. III. Paulus Diaconus Rer Roman. L. XIV. (d) Epistola. 197. (e) Lutherus T. I. Ienens. fol. 149. 150. (f) Brentius Opp. Latin. T. I. in Lev. cap. 16. (g) Corn. Iur. Matrim. p. I. n. 42. seq. n. 121. seqq. (h) Con-

futuro coniugio iam intercesserit, non se ausurum dissuadere fateatur. Denique sub ipso huius anni auspicio eandem in sententiam Theologi atque ICTi Helmstadienses responderunt.

*Quam Neptem
fratris uxoris
uxoris.*

15. *Uxoris sororis filiam aut Neptem* in matrimonio habere concesserunt olim Scabini Lipsienses apud Carpzovium (a) nec non Theologi Lipsienses (b) atque ICTi Hallenses, Ienenses, Francofurtenenses, Kilonienses, Rintelenses, (c) & idem iudicat Stryckius, (d) Brucknerus (e) aliiq; multi. (f) Nec alia fuit Iudaeorum olim consuetudo. (g) Et Gustavi Wasæ R. Sueciae nuptias, cum coniugis sobrina comprobasse Suecos Theologos docet Loccenius. [b]

*Quam filiam
fratris uxoris.*

16. Denique *Uxoris fratris filiam* in matrimonium olim concessa est [etiam si reclamaret Consistorium Lipsiense ea in causa consultum] ab Electore Brandenburgico, & alio tempore a Duce Gothano, vt de utroque refert Brucknerus. [i] Et *Privigni Viduam* a Theologis Wittenbergensibus vitrico permissam esse docet Bergerus [k]

*Quam privigni
viduam.*

17. Quod itaque per omnes propinquitatis formas olim & noviter summis & Ecclesiae & Reipublicae

- (a) Carpz. Iurispr. Consist. L. II. tit. 6. Def. 13. & 99. num. 5. seqq.
(b) 1649. teste Dedekenn. append. Consil. p. 834. (c) Quorum omnia Responsa habet Vir summus Berger. Supplem. ad Electa Process. matr. p. 68-107. qui etiam Theologicum addit Responsum. (d) Supplem. ad Brunnem. Ius Eccl. L. 2. c. 16. §. 2. 26. (e) Bruckn. l. c. p. 271. 299-301. (f) Beza de Divort. & repud. f. 48. & 53. Zanchius T. III. p. II. L. IV. p. 785. Richter. Consil. Iurid. p. I. Dec. II. n. 11. p. 2. Conf. 15 & 40. (g) Selden. Vxor. Ebr. L. I. c. 6. Schilter. Exerc. ad D. 36. thes. 40. [b] Loccen. Hist. Suecic. L. VI. ad annum 1552. [i] Bruckn. l. c. p. 271. 299-301. [k] Berger. Supplem. ad Electa process. Matr. p. 114-124.

cae Praefidibus atque Doctoribus non improbatum damnatumve fuisse ostendi, id nec novum nec inauditum haberi debet, sed eiusmodi esse oportet, quod nec publicam quietem nec veram pietatem vulneret.

Cap. VII.

Scopus dictorum & Conclusio.

I.

Vltimo loco, cum rem ipsam satis mihi videar confirmasse, necessarium esse duco, calumniae ob-
viam ire, cui solet fere quod usu non est receptum, quatumvis verum sit, subiacere. Ita enim cum humanis rebus comparatum nunc est, ut si quid discendas a vulgari tramite, mox eorum maxime incurras censuram, quibus omnium minime nec potestas nec facultas est de talibus iudicandi. Nec audiunt fere isti [si diis placet] Dictatores, quibus nitaris rationibus, nec ipsi possunt meliora & certiora demonstrare, sed mox in pugnam ruunt, & opponunt non argumenta rerum; sed

De calumniae licet sit.

-- -- Convitia, ludos

Scommata, Sarcasmos, ronchos, sannasq; pudendas,

Probra, leves risus, stolidos sine mente cavillos.

Quod cum iam dudum nonnullis, qui diviniore se sapientiae non sectatores sed statores omnino haberi possulant, in more fuerit, ne & mea haec, a pullatis his Censuribus, ut sine dampno, praecavendum est. Con-

gnare cum illis veritatibus, quæ ad ipsam fidem Christianam doctrinaeq; in nostris Ecclesiis receptæ fundamenta faciunt, vtpote cum quibus omnis de illicitis nuptiis disceptatio, nec per calumniam quidem potest committi.

Negatur, minus honestas, & ad societatem tuendam aptas esse nuptias proximo moribus.

3. Et quamvis negem aut naturali aut divina vniuersali lege incestuosa, nefanda atq; interdicta esse talia coniugia, fateor tamen, imprimis quæ cum parentibus posterisque contrahuntur, ex ipsa ratione esse inhonestæ, atque pugnare cum privata publicaue tranquillitate. Cum & infinitis domesticis libidinibus ansam præbeant, & aliorum cupiditates serpente exemplo irritent, & infelicia, iurgiis, contemptui mutuo, exacerbationibus, imo adulteriis & parricidiis facilius obnoxia matrimonia efficiant. Vt adeo, qui virtutis & tranquillæ mentis studiosus sit, illis merito abstineat.

Et cum perfectior Christiana virtute pugnare.

4. Magis autem, fateor, pugnare ista commercia cum puritate & perfectione Christiana, in qua etiam quæ licita honestaq; habentur, omittenda sunt, ne alios vel offendant, vel libidines aliorum sollicitent. Itaque, qui non vereatur contra leges civiles, contra receptam consuetudinem, absq; iusta ratione suis se iungere, cum extranea vbique affatim suppetant, nae is parum Christiano nomine dignus sit, sed misere luctatur cum pravis cupiditatibus.

Nec coniugia suadendas esse statuunt.

5. Itaque privatim nemini, dum res adhuc invadit, nec suadendas, nec laudandas cum proximis consanguineis nuptias, statuo, vel ex sola illa ratione, ne quod iam, placet, forte ex cupiditatis fervore, olim vel conscientiam, errantem quamvis, vulneret, vel prætexto illiciti & incestuosi nomine dirimatur.

Nec tamen ubi saltem, ubi rimandas.

6: Vbi vero ita iam inter se coaluerint necessarij, vt nec honeste possint divelli, nec sine insigni scandalo, vbi

ut bene iudicavit Spenerus, (a) non esse dissipanda consummata aut firmiter innixa matrimonia, sed firmanda & publica auctoritate fortius constringenda.

7. Neque turbandas istiusmodi hominum Conscientias quibuscunq; rationibus, sed potius elaborandum, ut firmiter persuasi, Deo hunc statum per se non displicere, ornent pietate amorisque constantia insolitam coniunctionem, & feliciter adeo, id est pie atque tranquille vivant.

Nec turbandas Conscientias.

8. Cum autem civilibus commodis aptissimum sit, ut latius diffundantur affinitates, & ea ratione cives artius sibi innectantur; adhaec ex perpetuis in sua familia, maxime proximorum nuptiis, infinitate lites, atque praevaricationes oriri possint, denique in tanta vulgi ad libidines & vitia proclivitate, omnino prospiciendum sit, ne eae magis adhuc spe futuri coniugii increbescant, prudenter omnino & iuste legibus civilibus omnes proximorum tum lineae rectae tum Collateralis prohibentur coniunctiones, & poenis etiam civilibus coërcentur, cum qui sciens legem negligat, sibi imputare debeat, si poenae sit obnoxius.

Prudenter tamen interdici civilis leges.

9. Neque, si licet privatis, de officiis summorum Imperantium iudicare, omnino ita facile, & promiscue, ut fere fieri solet; concedendae essent contra leges nuptiales dispensationes, nisi aut Reipublicae insigne aliquod subsit commodum, aut privatorum conscientia aliter salva esse nequeat.

Contra quae variis danda esset venias.

10. In his enim eventibus omnem huius Disceptionis usum colloco. cum aut Principi in tanta fami-

Coniux inveniri potest, aut ipsi atque reipublicae eximium aliquod emolumentum ex tali matrimonio potest sperari. Deinde ubi, ut inter homines subinde fit, ita iam inter necessarios amor coniugalís, fide data, iuramentis, subinde etiam corporis coniunctione coaleuit, ut divelli non possit, quin animi atque conscientiae illorum, subinde & fama, immedicabili vulnere sauciantur. (a)

II. Rebus enim ita se habentibus, iustum piisque esse existimo, quod Deus nusquam simpliciter damnavit, concedere, & quod in aliis nec laudo, nec temere concedendum puto, hic tolerare; ita tamen, ut provideatur, ne vulgata licentia aut pudicitia domestica, aut publicae tranquillitatis rationes discrimini exponantur, paucis: ut exemplo legis divinae Iudaeis datae, ita civiles leges & temperentur & observentur, ut virtus in privatis, in publicis vero quies, concordia, felicitas populi promoveatur atque conservetur.

(a) Hae sane considerationes Luthero, Melanchthoni & Martino Bucero, Theologis illustrioribus, tanti fuere, ut propterea Philippo Magnanimo Hassio viuae coniugi & fecundae Christianae, aliam adhuc, Margaretam von der Saale, clam superinducere permiserint. Responsum illorum habet Sarcerus in corpore iuris matrimonialis, & Daphnaeus Arcuarius (sive Laurentius Begerus, Bibliothecarius postea Berolinensis Regiae Bibliothecae celeberrimus) in der Betrachtung vom heil. Ehestande und viel Weiberey p. 210 seqq.

